

約章分類輯要



約章分類輯要卷三十五上下目錄

鐵路礦政電綫門

礦政類章程

統轄路礦總局奏定路礦章程

總署奏增定礦務章程

開平礦務總局開辦條規

煤礦章程

華司事專條

洋司事專條

翰林貴鐸等酌擬奉天礦務章程

磁屬彭城鎮煤礦章程

約章分類輯要

卷三十五 目錄

四川礦務局設立華益公司招商會同公司議開四

川礦務華洋合辦章程

山西商務局與福公司議定山西開礦製鐵以及轉

運各色礦產華洋合辦章程

總署遵議漠河金廠開辦事宜疏

江西惲令積勛查勘萍鄉煤礦條程

湖南奏定礦務簡明章程

湖南詳定硝磺簡明章程

以上礦政章程

成案

湘撫陳奏湘省出運礦砂及行銷各省硝磺一律免



稅摺

江督劉奏上海製造機器局需用湘省生鐵礦石請  
免稅釐片

鄂督張奏湖北鐵廠鋼鐵行銷各省章程  
御史陳其璋奏請開礦要摺

滇督崧遵 旨議奏興辦礦務設法擴充開採摺  
奏請通飭開辦礦務鼓鑄銀圓摺

奏請調員開辦遼東礦務並總署議覆摺  
奏開磁州礦務片

附原稟

譯錄俄國大藏大臣著論滿洲金礦情形

約章分

類輯要

卷三五

目錄

湘撫陳奏請在省設局開採摺

湘撫陳奏先辦永定等銅鉛金硝磺各礦由總局經  
理片

以上礦政成案

約章分類輯要卷三十五上

鐵路礦政電綫門

礦政類章程

統轄路礦總局奏定路礦章程

礦務鐵路總局奏爲明定礦務鐵路章程請

旨通行飭遵恭摺仰祈

聖鑒事本年六月二十四日遵

旨開設礦務鐵路總局摺內聲明應辦事宜隨時具奏九月初十日議覆胡燏棻條陳礦路事宜摺內聲明另行核定章程各在案

臣等查礦務鐵路誠能辦理得宜可以益國計裕民生然天下事利與弊恒相因况此事至爲繁重設辦法稍約章分類輯要

卷三十五上

路礦電綫門

礦政類

一

有參差將使奸商劣紳串通影射壟斷把持而公正妥實之紳商反退縮向隅無以自效且旣辦以後利益稍有端倪不肖官吏又或從而覬覦百端魚肉利源未擴弊竇叢生斷無可以持久之理今欲興利蠲弊自非慎始圖終不可如遴派公司嚴核股本示洋股之限制保華商之利權及用人購地選匠鳩工征收稅課稽查出入等事亟應明定畫一章程以資遵守而垂久遠

臣

等博訪周諮就華洋成式中斟酌採擇

謹擬礦務鐵路公共章程二十二條恭候

欽定如蒙

俞允卽由

臣

局通行飭遵此後因時制宜有應行增減之處

再由

臣

等體察情形隨時奏明辦理所有明定礦務鐵路章



程緣由理合恭摺具陳伏乞

聖鑒再此摺係礦務鐵路總局主稿會同總理各國事務衙門辦理合併聲明謹奏光緒二十四年十月初六日具奏奉  
硃批依議欽此

礦務鐵路公共章程二十二條

一礦路分三種辦法官辦商辦官商合辦而總不如商辦除未設總局以前業經開辦者不計外此後總以多得商辦爲主官爲設法招徠盡力保護仍不准干預該公司事權

一總局奏准未經奉

旨設局以前無論官商擬辦未確之事均應報明聽候分別准駁不得作爲定案所有設局以後各省開辦礦路無論官約章分類輯要卷三十五路礦電綫門礦政類一  
商華洋均應按照本總局奏定章程辦理其有援引設局以前各省礦路章程請辦者概不進行

一東三省山東龍州三處礦路事務均與交涉相關此後無論華洋股份概不得援案辦理

一礦路本係兩事准分辦不准合辦凡鐵路公司所有沿路開礦章程不得援案請辦卽礦山准造支路到水口以便載運礦產亦祇准造至最近水口併不得搭客載貨暗佔鐵路利益其有應造支路運礦之處並須先行繪圖報明本總局查覈

一凡承辦礦路俱須設立學堂以爲儲材之地業已奏明通行自應一律照辦

一各省紳商有遞呈該省地方官請辦礦路事宜者該地方官先察其人如果公正可靠家資殷實其所請辦無背奏定章程卽咨報總局核奪辦理不得率行批准其在總局遞呈者亦必咨查該紳原籍地方官確實無疑然後批准以杜朦混招搖等弊

一礦路公司勘定某處必經之地應由地方官先行曉諭俾眾周知不得故意抗玩至公司買地遇有廬墓所在務當設法繞越以順民情而免爭執不得勉強抑勒

一凡經總局批准承辦礦路者自批准之日起無論華股洋股至多不能過六箇月一准開工倘遲延未據呈報開辦日期者所有批准之案作廢如實有意外之事不在此列須預約章分類輯要

卷三十五

路礦電機

礦政類

三

行報明

一集款以多得華股爲主無論如何興辦統估全工用款若干必須先有己資及已集華股十分之三以爲基礎方准招集洋股或借用洋款如一無己資及華股專集洋股與借洋款者概不准行

一借用洋款必須先稟明總局由局覈定給予准照該商方能議借之權仍聲明商借商還中國國家概不擔保其未得准照私與洋商議借者雖稱已經畫押總局概不作據

一公司借用洋款議訂草合同後先送總局復核如與總局奏定章程不符仍不能以草合同作據應飭令再議如再議始終意見不同可與他國商人另議如洋商私相借貸設有

虧累不得向總理衙門及總局控追

一設立公司有准借洋款者應照成案由本總局咨明總理衙門照會該國駐京大臣照復後方爲定准卽洋商有情願借款與該公司者亦須稟明該國駐京大臣照會總署由總署咨詢本總局是否准該公司訂借洋款照復後方能作據否則作爲私借辦理

一凡辦礦路無論洋股洋款其辦理一切權柄總應操自華商以歸自主惟該公司所有帳目應聽與股洋商查核以示公平

一有人興辦礦路聲稱已集資本及股分若干者應先將銀款呈明驗實以杜冒混

約章分類輯要

卷三十五

路礦電綫

礦政類

四

一各省凡有礦路地方必有借重地方官之處如有地主阻撓工役聚眾等事一經公司呈報該地方官卽妥爲曉諭彈壓毋得推諉尤應嚴禁胥役訛索情弊如不切實保護准公司呈訴總局查實奏參

一凡公司彼此爭利或他事有礙公司利權者應就近由地方官持平判斷免致兩歧或因判斷不公准稟由總局詳細核辦以示保護如係華洋商彼此爭執應由兩造各請公正人理論判斷倘實因判斷不服准其另邀局外人秉公調處兩國國家不必干預

一凡礦路所用洋人前往各處勘驗應責成地方官切實保護不得推諉倘遭意外之虞惟該地方官是問

一華人承辦礦路獨力資本至五十萬兩以上查明實已到工辦有成效或出力勸辦實係華股居半者應照勸辦賑捐之例請給予優獎以廣招徠

一無論獨辦集股均准專利至年限長短俟臨時察看資本輕重獲利難易再行酌定

一鐵路經過地方應設關征稅及礦產出井出口各稅應由總局會同戶部另定專章奏明辦理至盈餘歸公之款鐵路應按十成之四礦務應按十成之二五提出繳部

一各公司一切情形及帳目等事應聽總局隨時調查或派人前往閱看

一各處礦路所有現行一切細章統應彙送總局核定局中約章分類輯要

卷三十五

路礦電綫門

礦政類

五

另繕表譜格式分行各省所有各公司辦理礦路情形應於每年年終如式填寫送總局查核光緒二十四年十月初六日奏准

### 總署奏增定礦務章程

總理衙門奏案查光緒二十四年十月初六日<sub>臣</sub>等會同奏定礦務鐵路章程摺內聲明此後因時制宜有應行增改之處隨時體察情形奏明辦理鐵路一事於去年十一月初一日會奏通籌分別緩急次第辦法均經先後奉

旨通行各在案其礦務自准開辦以來亦有應就前次定章申明增定者竊維華洋各商會同集股設立公司在

國家一視同仁准其開辦之本意原欲令各該商獲均沾之



利非欲令各該商據獨擅之利今請辦礦務之華洋各商因章程准各公司勘定產礦處所動輒混指某省府分若干縣分若干並不確指某縣某處計明段落里數是徒使奸商串通影射壟斷把持轉致公正妥實紳商退縮向隅無以自效殊與准辦之本意大相刺謬並應明示限制除已經批准之案仍照會同辦理外嗣後各該商請辦礦地祇准各指定某縣之一處不准兼指數處及混指全府全縣以杜壟斷而均利益又查前次定章華洋合辦一切權柄操自華商以歸自主惟內載已集華股十分之三卽准招集洋股開辦雖係爲廣招徠開風氣起見然股本華三洋七輕重旣已不平事權卽恐旁落易開喧賓奪主之漸應將原章釐正除已經批准約章分類輯要

卷三五上

路礦電綫門

礦政類

六

准開辦若先行合夥而後呈請者概行駁斥又查前次定章承辦者自批准之日起至多不過六個月卽呈報開工倘迂延不辦所有批准之案作廢又內載如有事故不在此列然因此而託故遷延者將徒有標估之名並無開辦之實今應明與定限自批准之日起統以十個月爲期無論有無事故若逾期不辦卽將批准之案查銷由地方官查明另招他商承辦該商不得爭論餘仍照前次奏定章程辦理其議開在先各礦仍照舊核辦以免紛擾如蒙

俞允卽由<sub>臣</sub>等通行遵照所有申明增定礦務章程緣由理合恭摺會陳伏乞

聖鑒再此摺係礦務鐵路總局主稿會同總理各國事務衙門辦理合併聲明謹奏光緒二十五年六月二十三日奉

硃批依議欽此

### 開平礦務總局開辦條規

一規條宜先聲明也按本局原定章程第五條事無大小悉照買賣常規辦理所有官場習氣一概刪除是本局所用之人所辦之事均須仿照生意規矩不得另開面目

二本局工程極宜聲明也煤鐵兩宗開採工程浩大且深藏地下苟非機器勢難得手但用機器開採必須用精於機器之人今延定西國礦司煤司鐵司機司等人分別總管名目到山導引其餘工匠拋手人等悉由地方挑選學習是凡係礦務辦事作工人等極應分別各歸總管節制庶該總管等

辦事有權不致掣肘也

三本局司事宜分內外也除督辦總辦幫辦之外內司事卽有公事房專管公文書信銀錢房專管銀錢帳目材料房專管木植磚瓦石灰事務庫房專管採出煉成煤鐵事務雜務房專管火食零用各物船隻牲口事務外司事有監工管工機器房班頭監提掌鐙各執事

四司事人員宜量材作用也按原定章程第八條所用司事應由股大者薦充惟能司何職應受薪水若干仍由總局量材酌定不得自希職任除股大者經薦人員已量材派事外嗣後事務繁多應添人員暫由無股薦來者選充俟股分招足股大者均屬有人甚至人浮於事應將無股薦來之人開約章分類輯要

卷三十五

路礦電綫門

礦政類

八

除以符定章而省糜費

五各經費必須立求撙節也夫經費浩大事難久長且量進計出乃生意千古不易之理故本局用人不但不可使人浮於事亦不可不計及日中所進月中所需且開辦之始利未見費已糜更宜廣求撙節之道不致成本深虧是薪水須要從廉日用格外從省一粒一文莫非慎始之道除尋常日用自有一定外嗣後如有添置什物須由雜務房回明總辦若不待回明而擅行添置該項不准在公帳開銷

六辦事宜認真不得虛應故事也事無大小各有專司專司事件固要每日清理卽與同事交涉事件亦須和衷合辦局事認作己事毋得推宕耽延若有偷閒或草草了事一經察

覺定必開除總之有一人應有一事如官場之受乾薪水而不到局者固所不准卽駐局人員無事者亦不准畱也  
七司事人員與及各匠頭乃工匠之表率極宜端品勤謹持躬和平接物如有酗酒嫖賭慣使性氣喜說是非好逸偷安旁攬閒事或貪婪妄想招搖妄作或常出悞公或逾支銀兩但有一弊不守規矩立卽開除不徇情面若其人係股大者所薦仍按定章請原人另派否則由局另用

八工匠人等極宜挑選也日間所起工程全憑此輩做作得人者工程倍加不得人者工程減半是用此項工匠極宜畱心挑選所有食洋煙貪懶惰身體單薄或身帶殘疾性喜爭鬪不聽約束均不可用

約章分類輯要

卷三至

路礦電錢門

礦政類

九

九跟人茶房局丁長夫等人須立限制也司事多人必多若不分別限制定必濫用無稽每飯一桌只可公用茶房一人由局發給工食大司事每人只准用跟人一名食局飯工錢仍歸司事自發局丁長夫人等應按公事多寡隨時由總辦酌定騾馬大車局中本有預備但專爲辦公所需除因公上山之外一概不准取用

十本局立意宜詳細聲明也按局章第一條此局所設係專爲開採煤鐵等礦起見查煤鐵兩項乃人間日用所需我國已經開採千年無柰總不得法遂致通商以來反爲洋商侵佔其利道光年間用場不多侵佔尙少軍興以求各省製造槍礮輪船所需煤鐵較前不下十倍舍己所有而轉購於外

洋不但耗財更防有事之秋諸多掣肘李甯相洞燭其情立意招商舉辦既可應軍中要需又可供民間日用且商販工人均可轉輸凡局內大小司事工匠極宜畱心煤鐵工夫其煤勛能輕一文之成本卽用者可省一文之買價既可鎔扯鐵條鐵板便可製造輪機槍礮將見 國富民強於茲可卜且邇來開採煤鐵以西國爲最人力所不及者以機代之今本局仿其法購其機用其人若各司事工匠肯畱心推本求末精益求精將來爲 國効力顯身揚名則我中國之人又焉可量哉

### 煤礦章程

一煤礦穢氣最盛勢必常令清氣貫入以攻之方免其害是約章分類輯要

卷三十五

路礦電綫門

礦政類

十一

礦中煤田煤槽養馬走路各處務使透風以便作工行走  
二煤氣積厚便可燃燒一經察覺必須專派一人於未開工之前攜帶防火燈親赴其地與及相連路徑察看若係一班人作工每十二時辰察一次倘係兩班人作工每六個時辰察一次卽將通風透氣情形登記畫押日日如此辦法以一年爲限

三所有煤礦未經察有可燃之煤氣者或雖前有燃氣而事已逾一年每十二時辰仍須攜燈察看一次

四凡有不作工之處務宜圍欄周密免使行人悞入

五由井底起至各段煤槽必須分設站所礦裏工人極應按站問明守站之人可進而後進

六礦內無論何處如遇有煤氣過重或別項危險一經察覺必須盡將工人退出立即疏修妥貼派人驗明方許復進七礦內作工之處若左近嗅有穢氣必須立換防火燈別項燈火概不准用臨用防火燈時專由掌燈逐一驗明緊鎖妥貼方許取用所用防火燈除掌燈之外別人均不得開鎖身邊亦不准攜帶鑰匙火石自來火等件

八礦中不得安放火藥即要用時仍須用箱罐裝好每箱不得過三觔而每段作工之處只准攜帶一箱不准多帶用藥時不可用鐵器鋼器舂藥倘若引火失慎亦不准用鐵器抽提若礦中經察有煤穢氣三月之內如需火藥只准攜帶包藥仍須專司者驗明地位方可燃用其礦內石路需藥攻轟約章分類輯要

卷三十五

路礦電綫門

礦政類

十一

遇有煤氣仍須審明火力煙氣不能透達槽段而左近又無作工之人方可燃用也

九礦內作工如近湧泉則煤槽至多橫開八尺爲度仍須每次前進一丈五尺當中鑽一水孔旁邊鑽數小孔以引濬十煤礦內平埔工人往來之所無論該礦係用人力抑用機器做工一經深入九丈必須備設號响使埔尾與站所相通每六丈之遙另設旁峒俾工人可以避讓

十一礦中行人路徑若係驢馬拉車者每十五丈之遙須設旁峒以便避讓惟該峒必須寬長其走人之路與車煤之路至少相離三尺

十二旁峒原爲避讓之所必須時刻畱空毋許安放物件阻

礙要道

十三所有井口業已停用抑爲通風所設必須圍欄週緊庶無誤陷之虞

十四井面至井底一帶無論該井係提煤或抽水所設井口路口必須圍欄堅固卽修理欄柵之時亦須暫行防護

十五無論煤井水井凡遇槽石鬆險必須用磚石壘鑲堅固十六所有路頂路牆槽頂槽牆必須堅固設見不穩立卽派人修理未經修妥之前該處不得任聽行走

十七其井若係爲提煤及上落工人者一經深至十五丈必須備設夾引响號使井底井面可以通傳

十八工人由井上落必須安設遮蓋其係用轆轤提絞之井

約章分類輯要

卷三十五

路礦電綫

礦政類

三

或係提水之井或當修井之時或經總礦司給有圖記方准免其設置遮蓋也

十九工人上落箱籠不得用單環鍊免有疏失之虞惟箱籠旁邊牽鍊可用單環

二十工人上落若用機器卽其協輪必須有套圈或圈齒若協輪係角式非圓式又須另行設法以防繩帶側閃

二十一工人上落無論所用水火何項機器必須設有氣門提繩應記號碼又須另設氣表俾司機者可以隨時知到箱籠之方位

二十二煤礦所用大飛輪及當眼器件勢大猛列者必須圍欄週密以免走近誤觸

二十三每水氣鍋須置氣表水表各一俾知氣之重輕水之多寡又須設備放氣管

二十四凡煤礦一經察出煤氣穢甚者須置天氣表寒暑表各一在井口當眼處高挂

二十五礦內圍欄遮板响號提籠夾引鍊索等件一經損傷必須立即修理更換

二十六礦內所需木植必須先為預備並將木植鋸成掙木尺碼分派各作工地段俾可隨時取用

二十七須派專司驗看一人每日盡將當眼機器機頭作工之所平埔處繩鍊等件逐一驗看另每七日一次將工人上

落之井與及箱籠夾引細看即將所看實在情形登記驗看約章分類輯要

卷三十五  
內 礦政類  
三  
簿親行畫押畱在礦中存查

二十八煤礦內所有十三歲以下之男童及大小婦女一概不准僱用其十三歲至十八歲之幼童准可僱用但仍須分別管束

二十九管機器之人必須二十歲以上方可任用

三十煤礦若只有一井者井下作工之人不宜逾二十名

三十一每礦歸一人總辦但該總辦仍須執有稱職牌照方可

三十二煤礦之督辦或總辦須將每年所取之煤餉所用之工人若干開列清摺送呈督轅查考若礦中出有意外等事亦須報明



三十三每處煤礦應另立專條俾礦務各項人等有所遵守所擬專條應先稟請督憲批准札行照辦此項專條與及煤礦章程應發礦所張掛俾各咸知仍由礦務局刊印分給司事工人等每人一張

內司事專條

總辦

礦務大小事件應由總辦會商督辦定見若督辦公出尋常事件卽由總辦作主大事仍須函商督辦所有洋匠雖歸礦司節制但遇事仍應向總辦會商辦理

幫辦

幫辦幫同總辦買地用人布置一切及商辦各事若幫辦不約章分類輯要

卷三十五上

路礦電綫門

礦政類

十四

止一人誰辦何事應由總辦酌定俾專責成若有公事總辦派出門者亦不得推諉

公事房

公事房專管筆墨公文收發書信等事跑信腳夫歸公事房專管若有要件需馬傳遞准向雜務處取用

銀錢房

總帳專管銀錢總帳一進一出分門別戶務須日清月結該存該欠亦當逐日分明外帳房仍歸總帳節制每日將內外帳房存款報知總辦所有內外司事薪水均按定數由內總帳房支發不得另向外帳房支取毋論司事外人均不得有透付挪借等弊所有銀錢時價亦須留心

外帳房

外帳房專管開發工人錢串所須錢串係向總帳房取發數無大小均憑總辦監工字據或總帳房吩咐方可照發仍將所發工錢逐日撥歸各戶登記每月初二十六日將前半月所發各工人之工錢計共幾工領錢若干登列一榜發貼局門外

材料處

材料處專管起造及做傢生等事所有建造住房機器棧房煤廠與及辦理磚窰灰爐模廠均係材料處責任廠內所需掙木及模廠所需木植均由材料處辦理若總辦派出門採辦木料亦須前往不得推諉礦內所需煤車煤桶及各種木約章分類輯要

卷三十五上 路礦電綫門 礦政類

五

器傢生應添應修均歸材料處辦理

庫房

庫房專管煤鐵出進礦中每日出煤若干均憑秤手報單堆存何處應由庫房請示於總辦礦司堆煤處仍歸庫房派人看守及煤出堆毋論發往炭爐或機器房或發運別處均憑總辦礦師字據倒換庫房發票交看煤人照發其焦炭亦是

一體辦理每日仍將所進所出數目及工內所存煤炭開單送呈總辦查覽

考工處

礦內所用拋子板子牽夫推子馬夫長夫小工人等均歸考工處挑選發交監工錄用無論按日月抑或按工程給發工

食仍由考工處請示於督辦總辦所有轉運船車亦由考工處經僱定價工人發交監工時仍將所定各工食開單送呈監工處查考若其人身體殘弱或情性懶惰或人品凶惡不受約束准監工辭退另行知照考工處僱補其每日需用工人數目應於前一日由監工分別開單送考工處預備

### 繙譯處

繙譯處專管洋文公事所有致總辦監工等洋信單由繙譯處譯出漢文分別送覽總辦幫辦監工及各房與洋人有交涉公事而本人不曉洋語者均由繙譯傳語

### 撫醫所

所有學習幼童均歸所主人約束除作工時刻之外卽入學約章分類輯要卷三五上 路礦電綫詩 礦政類 六  
堂讀書其每年每人應領衣服零用錢若干及成人之後應如何辦理由所主會商督辦總辦定奪另議章程張掛學堂俾各幼童專心學習學堂旁邊另設醫所以便工人遇病或受傷就近醫治須攜有監工字據方許入所若非工人卽必須督辦總辦字據方可許入

### 雜務處

雜務處專管局中火食雜用各件與及牲口馬料局內所用門房車夫馬夫更夫茶房出店挑水掃地人等均歸雜務處管束若不遵依約束准回明總辦更換其幼童被帳衣帽與及學堂醫所需各物均由雜務處辦理所有局中各房各處因公需用之物准可交代雜務處照辦但應先回明總辦

方可購買

煤礦專條

督辦

一督辦統操礦務之綱領督同地學礦司細勘礦地定決行止選用司事籌辦機器妥擬規條及布置一切

總辦

二礦務所用司事工人全歸總辦節制該司事工人品行是否端正辦事能否認真有無遵守定章規條均屬總辦責任礦中所需器件材料仍歸總辦主政

監工

三監工之職原歸總辦節制但作工諸端仍由本人主持作約章分類輯要

卷三五

路礦電機門

礦政類

七

工之人毋論係何名目均歸管轄是否認真務宜處處留心所有通風路透風門機器各路徑旁峒及作工之處有需修理一經工人報到立即派人督修所有定章專條務要督率工人遵守若有不受管束或性情疏懶准其革除另用四煤井夾引抽水機器等件是否妥當係監工之專責五通風透氣乃監工之專司應按照第一條章程認真辦理六驗看機器一事應由監工按照第二十七條章程辦理七所有木植如掙木之類乃礦中要需監工必須時刻留心曾否足備並著將掙木鋸成合式尺寸按照第二十六條章程堆放槽段以便利用

八凡遇有爲難應辦事件監工未能自辦者必須立即報知

總辦或督辦俾可專飭照行

### 班頭

九班頭專管井口工人礦中所用掙木等件歸其一手取發若所存掙木不足應需由渠報知總辦所有重桶一經提至井口立即安率工人提開仍將空桶放回吊籠每日開工及換班時刻必須在井口問明司機之人是否妥便方許工人上籠而上籠次第仍歸其人主持惟係單層籠只准容納四人雙層籠八人一次不多越額其提籠若有煤桶即不拘何人均不能同搭

十班頭每日一次不拘何時須將提井所用鐵繩鐵鍊夾引井欄及提籠上下各件親行細看若察覺一點不週之處立即章分類輯要

卷三十五

上 路礦電綫簡

礦政類

六

即停止毋許人口煤料上落一面趕緊修理以防險虞又必須時刻關心勿令井口石碎煤塊等物墜入井中若井口井邊提繩鐵鍊井欄等件有不妥之處一經察覺或工人告知必須立即報明總辦監工另派能幹人修理

十一晚間收工後班督必須親行督率將井口緊圍

### 秤手

十二煤勛一經提至井口秤手立即過秤登記若煤塊中夾有土石碎渣等類並非淨煤仍即扣除剔出

十三秤手有專司煤勛之責必須認真過秤若因公他出即以班頭兼理

### 機司

十四機司者卽司理井口機器之人也當值班時須時刻在機器旁邊一刻不可離開以便發止響應所有機器水鍋抽水筒與及機器相連各件務使妥實不得稍有弊竇其飛輪及當道器件必須圍欄緊密以免悞觸致干險虞其掌鑪人聽其調動其水鍋蒸氣是否足用鍋竈有無滲漏均屬機司責任當工人未下井之前須燃備蒸氣較活機輪以便掌燈管工監工總辦下井驗看之後方許工人開工

十五提籠毋論裝人載物抑是空籠一上一落均有一定之記號在機司必先將記號爛熟及值班時畱意分清庶不致混亂悞事其提籠一經到井口須小心安放落地當在井中載有重物本立有準標與機器相連以視偏正該機司須要約章分類輯要

卷三五

路礦電鑛

礦政類

五

時刻畱神準標一經偏歪立即閉氣又須時刻察看與火鍋相通各氣管大小水喉是否妥適以免疏虞  
十六每晨當未開工之前機司應將各提籠由井口放空至井底試驗是否妥適然後復提至井口由工人上籠若有一點不妥之處立即停機報知總辦或監工派人修理若未修理妥當毋論如何緊急亦萬不能任工人下井也卽使機器提籠各件均妥仍須守候掌燈驗明無煤氣方許工人下井  
十七當機器走動時毋論是誰均不許沾涉其事除督辦總辦監工之外不得擅進機房

十八機司務要畱心响號不得大意干悞所有回號亦歸渠

一人司理

十九出井响號係歸監提專司每次陞籠由渠發响號其响號如左

二十每次陞籠毋論重輕搖鐘一响

二十一機司聞响亦以一响應之倘因事故提籠不起或提籠正在提陞而出井响號又响機司須立即停機

二十二工人出井監提連响三鐘即曰人出井機司以一响應之曰便矣仍候監提再搖一响方可動機

二十三提籠已陞而監提要渠復回井底即搖鐘二响著機司倒輪

### 掌鑪

二十四掌鑪人係歸機司調動除總辦監工之外別人不得約章分類輯要

卷三十五

路礦電綫門

礦政類

三

### 調遣

### 管工

二十五管工之職係每日將礦內一帶由底井至各段拋煤走路作工地方一概小心巡視其路徑有無堆阻是否寬舒通氣各段格門有無過密是否按照定章開關若有不週妥之處立即整理其拋煤深處應否添置格門全歸管工操持二十六礦內路上如有應需鐵路之處均歸管工辦理其煤槽路徑之中不論頂蓋兩旁遇有鬆陷一經工人報到立報總辦監工修理若總辦監工不在前准該管工自行修理二十七煤槽路徑若有鬆陷之處管工須立止人物往來俟修好方許行走若礦內有不通風或別種危險事一經工人

報到立即回明總辦或監工派人修理仍由該管工幫同照料若礦內週年之前經查有燃氣即修理之時只准攜同防火燈不得取用別種燈火及可燃燒之物

二十八煤槽蓋頂及兩旁所需掙木係歸管工專司該管工宜於拋煤各段足備掙木以接工人要需將用完時立請總辦或監工添置其掙木一經放至井底准該管工督率礦內牽夫推子馬夫分派作工地段

二十九煤槽應從何處拋起應如何拋法總有圖式所有拋子須按照圖式拋取若不依圖而作管工立即報知總辦或監工辦理所有拋子路兒作工疏忽草率從事不將路上亂石搬開或不將路徑按尺寸整作或未將鬆動土石除盡種約章分類輯要

卷三十五

路礦電器

礦政類

三

種有關阻險該管工務宜留心查察一經知覺立告總辦監工辦理

三十行走路徑或通風路道頂蓋鬆陷必須立即疏通修理此事乃管工之責任極宜留心照辦若草率從事固於工監無益且於自己性命有關是於修理鬆陷時不可使拋子等走近阻礙作工若陷處工程浩大必須請總辦監工多發人夫材料方可興工

三十一除以上各條應辦事件之外管工須當謹守後開五則

一礦內無論何處一經覺有險危該管工須按照礦章第六款辦理立著工人出井各項工人須聽管工吩咐不得執抗



致悞一面仍將危險情形報明總辦監工並通知掌燈之人  
一礦內用藥最關緊要若不按照礦章第八款辦理由管工  
告知總辦或監工核辦

一礦內旁峒乃人避讓之所管工極應按礦章第十二款辦  
理時刻畱空以免阻礙往來

一礦內柵欄遮板响號等件一經碰壞須查照礦章第二十  
五款報明辦理

一礦內路徑蓋頂兩旁必須按照礦章第二十六款常時巡  
察是否妥協至少每日週巡一次

三十二管工責任匪輕應辦各事必須勞心緊記所有礦章  
規條務宜爛熟方稱其職也

約章分類輯要

卷三五上

路礦電綫

礦政類

三

### 掌燈

三十三礦中煤氣發覺以來尙未及週年總辦須要關切掌  
燈以便攜帶防火燈查照礦章第二款將各段煤槽路徑畱  
心看過登諸日記

三十四若十二個月以來礦中未經有煤氣發覺總辦仍須  
關切掌燈查照礦章第三款將各地段煤槽路徑看過登諸  
日記

三十五掌燈察看煤氣所經地段必須用白石粉在煤面畱  
一日腳以憑查考其人必須認真將各段煤槽各處路徑逐  
一細驗有無積有燃穢等氣若覺稍有此氣務須立即疏通  
及疏通之後關切左近工人倘積氣過重一時無法疏通須

另設法辦理仍俟穢氣出清又經驗過妥適方許工人近前  
作工若驗得各段煤槽各出路徑並未積有穢氣或經疏通  
始盡務當通知各段工人俾渠安心作工自己仍將所驗情  
形登諸日記

三十六掌燈察看穢氣毋論途中或煤槽遇有頂蓋鬆陷卽  
須停步查明左近一帶並鬆陷前頭有無穢氣俾可設法除  
去仍將未驗各處繞道細察不可從鬆陷之處穿過一經察  
看清楚立將鬆陷情形報知總辦派人修理當修整之時除  
修理人等之外其餘拋子人等一概不准近前

三十七若有煤礦因事停工多時而復開採總辦監工掌燈  
應先下井小心審察有無穢氣若嗅有煤氣或生氣不多務  
約章分類輯要

卷三十一 路礦電綫

礦政類

三

須立卽出井設法疏通回頭復驗後方許工人下井

三十八圍欄一事乃掌燈之專責極須查照礦章第四款認  
眞辦理該掌燈在礦內察看時仍將後開六則畱心是否按  
章辦理若有不符之處立卽報知總辦監工

一各處通風透氣是否與礦章第一則相符

一工人經過站所是否遵照礦章第五則而行

一礦內用藥一層是否按照礦章第八則辦理

一礦內旁峒是否按照礦章第十二則畱空

一礦中走路作工各段頂蓋兩旁是否堅固有無按照礦章

第十五則妥辦

一圍欄號綫等件有無損壞是否與礦章第二十五則相符

三十九掌燈一經察有煤臭氣立即按照礦章第六則吩咐拋子等工人走開該拋子等亦須遵依勿悞自己當即按章分別查察報明辦理若有他段不甚透風須設格帳使風貫入該如何辦法准其自主

四十拋煤有一定之法不得上下亂拋使蓋墻易於倒陷掌燈每日至少向各拋段巡視一二週細看拋子是否照法而行若係亂拋有關鬆陷立即止之並著原手修好若不遵依准掌燈將其人逐出若拋子見有鬆險地方自己無能安放掙木准向掌燈說知俾可另派幹員驗明辦理以期週妥不悞該拋子仍須幫同作主

四十一礦內用藥時若總辦未經另委別人即應由掌燈監約章分類輯要

卷三十五

路礦電綫門

礦政類

五

視該掌燈須按礦章第八則辦理若察有可燃之煤氣立即止用火藥

### 監提監號

四十二監提之職乃工人換班時分將出井工人按照限數分班入提籠車夫運煤至井底係歸監提分示重車入籠由監提督率安放所有人煤出井响號歸渠一手發响井內提籠响號夾引及井下煤車均歸監提管理若有損壞由渠報知總辦

四十三礦內迫逐穢氣之大爐係歸監提會同掌燈管理務宜妥辦

四十四監提須畱心井上响務並發回號

四十五監提值班時不得任聽拋子牽夫人等擅發响號  
四十六單層提籠只准容納四人雙層八人每次提籠上陞  
監提須要當心不得人多過額若提籠已載有煤桶不拘滿  
空亦不可許人同陞若籠中人數過額或有人與桶同籠不  
准監提發响號

四十七若監提因要事公出准管工兼理其事或另委能員  
代理以便由井下發响號並畱心井上响號

四十八提籠起陞有一定之响號監提或代理須發號如左  
一提籠上陞無論重載輕載監提須搖鐘一响並畱神回號  
是否照行抑另有別故至不提陞

一人欲出井連搖三响立候回號可行卽再搖一响然後陞  
提

約章分類輯要

卷三五上

路礦電綫門

礦政類

五

一提籠發後見有不週之處監提立搖一响以便停走若欲  
提籠回頭井底卽搖二响

四十九以上提陞响號乃一定辦法萬不可更改所有重籠  
提陞毋論人物監提必須親視安放妥貼方可發响

五十當換班收工時刻監提必須守候工人全數出井自己  
方可上來

五十一礦務章程專條務宜緊記若見有不依章規立卽報  
知總辦監工

拋手工人等

五十二拋手工人等要遵依督辦總辦監工吩咐仍歸管工

機司掌燈監提約束務使各人遵守礦章專條

五十三工人至礦內先要問明掌燈各段煤槽路徑可進而後進

五十四礦內各段本設有路站工人到站必須問明守站人可過而後過若路上未經設站即必須在井底問明方可前進

五十五工人礦內作工不拘何時何處毋論耳聞目睹有不通風透氣頂蓋旁壁鬆險務須立即報明總辦監工管工掌燈俾可飭派修理

五十六礦內如有鬆險之處無論已陷未陷拋子人等固不可進去亦不可走近若煤槽之中遇有煤氣發燃立即停工約章分類輯要

卷三十五

路礦電機門

礦政類

五

報知管工掌燈俾可修理俟修竣驗過無事方可復行作工五十七煤槽發氣每有無知之工人將作工之燈點試煤氣之輕重致有失悞此事關繫最大萬不可行

五十八礦內作工毋論一字拋或十字拋均須足備掙木所有頂蓋旁牆應需掙木准拋子就近取用按照礦章第二十六則妥辦凡用此等掙木或別項頂木須隨時審度何時安放應用幾根應放何處以期實用而免虛糜

五十九拋子安設掙木固當隨機而安但保無安置不宜之處至有失悞極應遵照管工掌燈指示辦理

六十若在十字煤槽拋取格頭之煤拋子須先將左近格頭之頂蓋用掙木掙立妥當方可開取

六十一凡遇險陷附近所存揀木不足以應需拋子須立即行開候示辦理

### 牽夫推子馬夫

六十二牽夫者卽拉煤車之人推子者卽推煤車之小童馬夫者卽趕車煤騾馬之人此等夫子前往煤段作工須俟拋子進去之後方可前進所有拉推重車須要小心一經到井底立即停步候監提指示然後將煤車送入提籠所有此輩夫子仍須聽管工呼喚按照專條第二十八條扛堆揀木分派各作工地段

### 板子

六十三板子者卽作路之工人也板子作路高寬尺寸須要約章分類輯要

卷三十五

路礦電綫門

礦政類

七

量準毋得偷減工程所有路中土石一概劈除殆盡旁牆必須認真壘好所有不用之土石木料須要分別搬堆妥當若開路打石需用火藥務必按照礦章第八則小心辦理其藥攻碎石立即搬去若於工程之中忽見險裂之處或偶遇煤氣發出或有別項險危之事必須立刻報知總辦監工管工一面趕緊修理若煤氣過盛難以作工卽須停作俟修理完竣復行開工當未修理之前板子人等不得走近卽有要事仍須隨同掌燈管工攜有防火燈方可前進別種燈火不准取用

六十四板子在煤槽之中向煤壁作路工程緩急必須跟隨拋子隨拋隨作不可過於落後

六十五司冊者卽礦內筆墨之人也所有工人小童姓名籍貫年歲必須分別注冊按號繕發腰牌每日一頁每月一冊分別長工短工送呈總辦查核

看門

六十六看門者卽看守礦內通風門之人也當值班時不許一步走開工人閒時經過或當開工收工一進一出該門如何關閉必須遵守總辦監工管工掌燈吩咐辦理勿悞

煤礦要略

六十七驗看防火燈一層所關甚重無論有無委人專司其事總辦監工管工均可按照礦章第七則驗看

約章分類輯要

卷三五上 路礦電機門

礦政類

三

六十八工人進出無論在拋煤作工之所或人馬行走之路若見有頂蓋旁牆鬆陷務須止步回頭切不可試行走過一面趕緊通報總辦監工管工修理而總辦監工一經聞報立卽飭修萬不能延

六十九礦內工程最關緊要一點失悞貽累非淺是礦中拋子牽夫等工人一經看見槽路頂蓋氣通旁牆旁峒煤井氣井稍有鬆險阻礙情弊立卽報知總辦監工掌燈派人修理七十拋子牽夫人等井中上落最重若見提籠提索夾鍊或機器相連各件稍有裂口損痕亦當一體報明修理

七十一拋子等工人無論如何事故不得擅帶生面人進礦倘有要故亦須請示於督辦總辦方可照行

七十二礦內作工幼童自有工人帶作一經作工時刻完備該帶作工人須著幼童出井

七十三抛子牽夫等工人一進一出經過格門仍須掩閉妥密不得任意打開收工之後工人等必須盡將格門全行關閉庶不致生氣散開若值次日停工尤加留意關閉週密七十四礦內道路氣通等處工人不得任意拋棄煤塊土石木梢等類阻礙通氣

七十五礦中各地段若非本人作工之所不許擅進

七十六礦內各地段如有記號無論寫於牆壁或插於路旁工人等不得擅行移抹卽煤格掙木煤車鐵路等件亦不准移動碰損

約章分類輯要

卷三十五

鑛電機門

鑛政類

三五

七十七礦內作工人等毋論在往來道路之中或通風街巷之內或於井頭之間均不許三五成羣聚談

七十八工人上落不許爭先恐後凡下井時須俟提籠提至井口坐定方許次第入籠其籠至井底亦須坐定方許出籠當提籠尙在走動之間卽使相離無幾亦萬不可搶前進出以致失誤

七十九工人帶有酒氣毋許入井作工

八十凡近煤氣地段工人不許食烟又不准攜帶點烟各火種

八十一如有地段業用防火燈者別項燈火一概不准取用



一礦務所用洋人機司匠人等統歸總辦會同總礦司節制  
若總辦總礦司另委人員辦理機司洋匠人等亦歸該員約  
束

二機司匠人等若不稱職或不遵約束或好嗜酒或不守局  
規應由總礦司立將其人革除小過者准畱三月期滿發遣  
回國船腳由局發給其大過者立卽發遣不許逗畱其回國  
船費仍由局發按照夾舨之價

三機司匠人等須知本局乃中國自主之局既承委用極宜  
認真辦公所有與局員司事人等有交涉事件務必和衷辦  
理若有任情致生爭執貽誤工程定將原立合同註銷並將  
其人革除倘同事人等有干預不法情事毋論干預之人是  
約章分類輯要 卷三十五 路礦電燈明 礦政類 三  
中國抑是洋人許其立卽報知總管辦理若事關重大總管  
當轉報總礦司核辦

四所有被革人等辛工須在革除當日結算只准算至革出  
之日爲止

五洋人住房傢具用器由本局雜務處分別按照後開定式  
置辦但一交一收務須照點清白掣取收條登記號簿存查  
如有短欠歸收條原人賠補

六本局在上海天津均設有司事凡洋人所用各物准其託  
司事代辦該司事亦自當妥辦不得推諉但途中有失壞等  
事歸物主自認與本局無涉

七洋人因公出門遠至六十里之外者途中飯食車馬由局

給發若至通商口岸其客寓繳費須按後開數目算給以示限制如本人辛工在一百員之內者每日給寓費一員半一百員至二百員之辛工者每日給寓費二員二百員至三百員者每日二員半其三百員以上之辛工者每日三員八作工時刻每日以作十點鐘爲限若有要緊工程過限作者按照時刻加五作算所有過限工程合同原有專條載明但仍須向總管領取過限憑據方准照算凡遇工程緊急即不拘時分一經呼喚必須立即詣前作工不得遲誤九洋人有犯局章者准總礦司將本人辛工停罰以示薄懲但每次所扣之數不得逾二十員

十局中備有藥料若遇尋常小病准可收用倘病勢增深准約章分類輯要

卷三五

路礦電綫門

礦政類

三

其另延醫者醫治其醫費由局發給

十一井下作工衣服均由本人自備與局無涉

十二洋人在工必須自重行止務存體面與人交處須要和平宅內廚房水溝廁所一切均宜潔淨以免污臭熏人致生疾病

十三煤井正副總管生鐵正副總管熟鐵廠正副總管機器局總管歸列第一等煤井管工鐵匠鍋爐匠機器匠打磨匠歸列第二等其一等司事每人住房二三間二等司事每人住房一二間

一等房間所需物具

鐵床

一張

枕

二個

褥

二條

毯

三張

火爐

一個

掛燈

一盞

手燈

一支

大桌

一張

小桌

一張

煤籃

一個

書架

一個

椅

八張

竹長椅

二張

衣櫥

一個

洗身盤

一個

地蓆

一房

火爐毡

一張

洗面架

全副

二等房間所需物具

鐵床

一張

枕

二個

褥

二條

毡

三張

約章分類輯要

卷三十五

路礦電綫門

礦政類

三

火爐

一個

燈

一盞

大桌

一張

小桌

一張

書架

一個

椅

四張

竹長椅

一張

洗面架

全副

洗身盤

一個

地蓆

一房

所有被單巾布碗盞刀叉等小器皿最易遺失破爛應歸各人自理未便由局供給其重大器具係由局供給者應逐件由管事點交清白向住房之人掣取收條交本局雜務處存查其收條如左

今收到

礦務總局撥用後開各件

計開

以上各件均已點明自當小心收管若有無故疏失或壞爛自願賠償不誤此據 具

十四所有洋人與外國往來家書等件應寫明天津英領事代收轉寄

以上章程專條要畧凡屬礦務局上下司事作工人等均須爛熟謹記分別遵守爲要尙有未盡事宜隨後再行續補

翰林貴鐸等酌擬奉天礦務章程

一奉天東邊自光緒元二年間始分疆畫界地脈休養日久礦產暢旺現經履勘得岫巖州寬甸通化懷仁一州三縣產約章分類輯要

卷三五上

路礦電綫門

礦政類

三

五金之礦者約十餘處均與 啟運山風脈無關但若同時舉辦費本較鉅頭緒亦繁今擬先從寬懷屬境之小荒溝小湯石北弔幌子涼水泉子老營溝礦洞子夾道子大東溝等處試辦銀鉛兩項庶幾費省效速其餘自不難循序漸進一寬懷屬境銀鉛礦產曾依土法鎔鍊每鉛砂百觔出淨鉛十餘觔銀砂千觔出足色紋銀十五兩餘均眼同礦師試驗係確有把握除報課及開鎔工本一切費用外約計尙可獲有贏餘

一開採設局現特招集商本二十萬兩分作二千股每股京市平松江銀百兩仿照各礦務局成章填掣股單息摺給商收執以憑支付官利贏餘其經管銀錢責任至重應由總辦

商董協同股商公舉其人必須家道殷實素行公正設有虧短之處責令賠繳

一集股二十萬兩自合如數收足惟現擬先辦寬懷屬境銀鉛兩項只依土法開鑄先收四成之一辦理較爲安實如礦產過旺相度機宜或須添購洋爐需本甚鉅卽行登報通知預定收足日期另換收足股單尙逐漸推廣尙須添本先儘舊股加增如舊股不願加時另招新股補數

一寬通懷岫四屬礦山甚多現只就寬懷屬境之小荒溝等八處入手俟有成效其餘卽行次第開辦但人情趨利恐有黠徒或稱自備資本或另集商股前來分採則創辦者爲其難繼起者享其成應請先行立案所有寬通懷岫屬境礦山約章分類輯要

卷三十五 路礦電綫門

礦政類

三

凡與 啟運山風脈無關者統歸一手經理庶免掣肘而息爭端

一招集商股先須發給股單息摺至局中諸事宜有應移會地方者有須隨時稟報者應請刊發奉天礦務總局關防一顆以資信守而昭慎重

一招商開採與官廠不同一切局中事宜統照商情辦理凡邀請商董及司事友人雖原係候補候選人員概不得立作委員名目以昭畫一

一承辦礦務首貴得人查各礦局章程凡股商資本在一萬兩至五千以上者准酌薦一友入局任事尙所薦非人致有貽誤侵欺各等弊一面由總辦撤退一面知照原人另薦妥

人前來接辦如有虧短挪移責令原人賠補

一入股之人務將姓名籍貫詳細開列或非中國籍貫託名  
附入及暗將股票轉售外國人者一經查出立將股本銀繳  
送入官另招新股並由局移行地方官請提售股之人追還  
洋商本銀以免轉轆別生枝節

一開礦夫匠人等專用本地有家業之人俾附近貧民藉得  
自食其力且免易聚難散之虞並取具連環的保方准入廠  
工作工食從厚而約束從嚴免其滋事仍請地方文武營汛  
隨時彈壓照料如有因開山鑿石挖洞取砂等事致遭危險  
或至殞命者各安天命除由局酌給卹賞報官驗明立案外  
其親族不得藉端訛索

約章分類輯要

卷三五

路礦電綫

礦政類

三

一股本銀收齊後擇股實錢莊票號分存生息開辦礦務一  
切應行需用之處隨時提用

一股本銀係開採要需在股者不得移作別用或因有事故  
只准將股票轉售不得抽回其轉售之先須持票赴局掛號  
以杜影射而重礦本

一開辦之始必須廣爲招徠現擬總局之外於 京師奉天  
上海立分局三處曰京局瀋局滬局以期呼應靈通至交銀  
售票以及支付官利贏餘等事均可就近辦理

一設局開辦務求節省所有局中公用及辦事司事書算等  
自不能不開支辛俸至總辦薪水則議俟開廠後諸事就緒  
再行開支以重公本

一集股開採自應依照各礦局章程盈虧一聽諸商其稅則釐金仰懇查照 奏咨專章援案辦理以重帑項

一出入銀錢最關緊要每日立有流水簿每月立有月結簿每年立有總結簿由總辦商董協同司事公同核算年清年款登載申報俾大眾咸知平時帳簿凡附股之人均得入局查閱以示大公

一各商股本官利各礦局章程有以交銀日按年一分起息者有以見紅後按月一分起息者二者均未得其平今仿照磁州礦局新章擬以交銀之日起年終核算莊利共得若干登明申報於次年正月按股分支俟一切辦理裕如常年一分起息不計閏按月支付以昭平允

約章分類輯要

卷三五上

路礦電綫

礦政類

三

一各商股單息摺如有遺失須邀公平殷實之人作保報明單號商名由局查核外仍由該商將因何被失及單摺名號登載各新報作為廢紙俾人人皆知兩月後無人過問方准補給此後倘有葛藤俱惟該保人是問與本局無涉

一商董執事各友薪資應由總辦酌核定數登明冊簿按月開支分文不准預支挪移除局中房租飯食油燭筆墨紙張各項開銷公帳外其餘概不得濫行支取

一結帳分紅應先明定章程茲擬按年清結一次以十二月為期除完稅課及局中公費薪水外所有盈餘以十成核算八成作為股商溢利按股均分其二成作為紅股論功分派以示鼓舞

一開辦基始同人備極艱辛辦成之後或因他故或年老不再入局除薪水開除外所有酬勞應酌給十五年以昭獎勵一到山開採應購地設棧及雇覓人夫暨收放運銷運解各事宜統俟開辦後酌核情形再當續議刊刻俾供眾覽

以上所擬各條不過僅陳大概已蒙總署議奏奉旨准行其詳細章程仍當參酌各礦局新章兼采輿論核擬詳定務期悉臻妥善一俟軍憲批准立案再行續刊

### 磁屬彭城鎮煤礦章程

一請 奏明立案以垂久遠也查此礦係經陳侍御條奏奉旨開辦之件惟事同創始有無把握未敢遽信擬請 奏明立案作爲試辦俟將來辦有成效擴充大舉再請續奏

約章分類輯要

卷三十五

路礦電綫

礦政類

七

一刊刻關防以昭信守也查卑府等奉委辦理礦務所有稟牘往還及收款股票均應蓋用關防以昭信守擬請刊發關防一顆其文曰奏辦磁州礦務總局關防

一酌借官本先爲開辦也查定購機器應給定銀及修理舊井建蓋房屋在在需資股本恐難一時驟集查河南安陽礦務經河南撫院劉給發官本銀二萬兩分四年歸還業已奏明有案此次擬懇憲台酌借官本銀一萬兩分五年帶還

一股本擬集商股也查此礦先爲試辦擬集股本銀五萬兩作爲五百股每股行平銀一百兩每年先給七釐官利俟一年後如有餘利除提花紅等用外再按股均分作爲餘利俟一年後將收支四柱清冊刊刻成本分送股東以便稽查並



准股東赴山察看細帳以昭信實俟奉批後即用石印將股票印妥蓋用關防設法招股

一購買機器趕緊開辦也查吳家窪舊井水深尙十餘丈擬購五寸徑出水管二百五十尺深者汲水機器兩架約需銀一萬餘兩再購活鐵路一里小鐵車二十輛約需銀二千兩俟奉批後卽與安實洋行訂定合同限期來華以期迅速

一用人宜有專責也向來辦礦規模宏大多有提調委員等名目此礦擬除會辦外概用司事無庸添派委員以節糜費磁州諳悉礦務者尙不乏人擬先覓本地妥善之人充當司事取有鋪保儻有不安惟保人是問應照鋪家規矩

一先用人工以惠農民也查汲水提煤如概用洋法經費浩約章分類輯要

卷三五上

路礦電綫門

礦政類

三

大款實難籌若用人力積水太深難以施工且此礦係已開成舊井水盡卽可出煤擬先購汲水機器兩副用吸井水其餘挖煤均借資民力按日優給工資俾窮民藉以謀生俟將來開採深遠再購起重機器以省人力

一礦主宜酌分餘利也查磁州煤礦皆係有主之地吳家窪舊井係柴姓之地當年開挖頗費工本現在雖由官辦自應作爲股本俟有餘利按股均分惟不能給與官利以示區別

一開礦工人宜定章約束也查開礦工役日需千有餘名入夫眾多難保無爭鬪情事應由委員隨時禁約循以規矩惟開礦之處距州署較遠設或工人不遵約束及互有口角鬪毆等事如情節較輕卽由該委員就近責罰以警其尤儻事

情重大仍應送州懲辦如礦局工人與民人齟齬關歐應先由局設法勸解一經成訟即將工人開革聽候地方官審辦委員不必過問擬請飭知地方官遵照並另札卑府等兼司礦中彈壓無庸另派專員以節經費

一釐稅宜援案完納也查開平礦務應完釐金關稅向係就山完繳此次磁州之煤或在本山銷售或運往他處自應按照開平礦章一體照繳稅釐以重國課

一籌定圍處以便分銷也查磁州之彭城鎮向有磁窰百餘座灰窰數十處及附近之居民每年需煤一萬三千三百餘萬觔近來衛河一帶附河之處多用開平煙煤溯流而上成本較昂磁州據衛河上游順流而下成本自輕由河南之內

約章分類輯要

卷三五

路礦電綫門

礦政類

五

黃縣距天津千有餘里漸推漸廣銷路甚大惟河道運煤應在夏秋之間車路運煤應在冬日查河南之內黃縣之楚旺鎮近臨衛河距彭城鎮陸路一百四十里應於小雪後道路冰結鄉間牲畜空閒車多價廉將煤運至楚旺鎮囤積俟冰泮河道通行即在該鎮銷售以便分運如此水陸分運成本自輕銷路可暢惟楚旺鎮乃河南之內黃縣所屬應請咨明河南撫院行知地方官一體照料以期妥善

一夫役因公傷故宜厚給卹賞也查開礦築井深幾有二十餘丈工人出入其間最爲危險如有傾跌或爲礦土坍塌壓傷以致殞命等情事應各聽天命惟人夫多係窮民因公傷故情殊可憫自應由局體察情形分別給賞以示體恤並知

一定界限以免爭鬪也查此礦係奉

旨開辦之礦如距礦十里以內他人不得開採免啟爭端如本礦擴充開辦所用地基如地主情願出售者應由局按畝給價或有情願作爲股本者自應與柴姓一律辦理

一請聲明立案以一事權也查磁州境內產煤之地甚多此次先就彭城鎮相近之吳家窪舊井先行開採俟辦有成效再當擴充陸續舉辦但人情趨利難以逆料恐有另集股本者前來分採則卑局先任其難後來者坐享其成且事出兩歧諸多掣肘擬請照歷辦礦務舊章仰求俯賜立案所有磁境各礦山如再開礦統歸卑局一手經理俾免攙越致啟爭約章分類輯要

卷三十五

礦電線門

礦政類

罕

端

一勘定窩基漸次開辦也查此次先儘吳家窪舊井開採係因距彭城鎮較近易於銷售將來蘆漢鐵路告成一處開採必不敷用查距彭城鎮二十里之南大峪北之東流水窩煤苗極旺亦有舊井八座所出之煤土人謂之大白炭質性極佳與吳家窪之大紅炭相仿俟擴充時先就此處開辦應先預爲陳明擬請批明立案並飭知該處地方官出示曉諭不准他人私採以杜攙越

一再招新股仍儘舊股也查此次招股係屬創辦尙多觀望將來蘆漢鐵路告成需煤較多必須大辦再招股時擬先儘舊股東增收不敷者再儘蘆漢鐵路公司之股再有不敷方

許另招新股以昭公允

四川礦務局設立華益公司招商會同公司議開四川  
礦務華洋合辦章程

一四川礦務局設立華益公司招商會同公司扣立合同華洋合辦利益均沾意在分利平權杜爭弭患所有合同內事理及總局奏定章程兩公司均宜遵守

二華益公司籌備地價銀一百萬兩專集華款不參洋股主購礦山管理交涉等事該地價貴賤及股本用出存留與會同公司無涉但由華益公司購地妥協得有礦務局准開憑據乃交與會同公司承辦工程該會同公司內有洋商不得自向華人徑行租買礦產免多交涉不清

約章分類輯要

卷三五

路礦電燈明

礦政類

望

三會同公司係由華商總辦洋商會辦籌備工本銀一千萬兩先儘華股五成聽入洋股五成並准各國附股在洋股五成之內不准一國專利現已有英商摩賡入股會辦其各國續來附股者均各按股給票分利歸本如有別國亦仿華洋合股另立公司照此辦法各開一礦不相干涉或分府或分縣隨時察看逐案呈報均照合同內章程辦理以昭公允其有洋股而無華股者不准

四會同公司遣礦師勘明指出可開礦產商由華益公司繪圖註說呈明礦務局查係現無官紳商民開辦及開礦無礙處所乃購地基該地基以敷用開井蓋廠爲限如係民產應由華益公司向各業戶議明或租或賣公平給價抑或附入

地價股內酌量分租如係寺廟公產亦由管業人租賃附股聽便該會同公司應候購妥交地承辦不得稍有抑勒強佔五華益公司購妥礦產交與會同公司承辦該會同公司應於所開各礦如煤鐵煤油之類聽由華益公司按礦質出井值百抽五收租不問開礦盈虧惟視出礦多少該礦價值貴賤應查照會同公司賣出實價計銀歸結不得短估取巧如金礦金沙應俟淘成黃金淨質乃按值百抽五收租並不先抽礦砂

六會同公司所開各礦如煤鐵煤油之類應按礦質出井值百抽五作為落地稅報効中國國家仍照章應完出口稅該出井稅即由川省礦務局督飭華益公司稽查抽繳按租比約章分類輯要

卷三五 路礦電鑛 礦政類

望

較自無遺漏不必委員糜費其出口稅應由稅關抽繳自完出口一稅後內地釐稅概不重征至各種貴金稅則應候戶部議定頒行遵照

七會同公司遣礦師勘明指出可開礦產商由華益公司呈請礦務局查係內地官山無礙聽開如僅升科未免便宜所有應完值百抽五地租隨同值百抽五井口稅抽繳聽由華益公司均報効中國國家惟地租准提一分以作礦務局及華益公司辦公經費其會同公司應完出口稅仍照完納

八川省地方甚大各種礦產俱全華人各開已業只遵章領照納餉原無禁阻惟各國洋商承辦各礦應有限制或隔道府或分州縣不能統佔全省此次開辦先內地後邊境俟會

同公司遺礦師勘明何處何種礦產可開如在土司夷地應候查明利多害少另議辦法該會同公司不得強令華益公司急於購地交辦免釀事端

九凡勘驗礦地或應打鑽掘井採視礦苗先請華益公司與業戶商明或踏損田禾山糧應由會同公司照市賠償至開礦後或因山岩井硿塌陷損傷民命房屋自應歸會同公司撫卹賠償若開礦處遇有墳塋祠屋原主不願得錢遷徙者必須設法繞越毋得毀掘惟井硿內開採能到之處陰面與陽面無礙不准地棍藉礙風水阻抗應請地方官實力保護但會同公司亦不得以試辦無成藉口阻礙索賠貽累

十開礦各處或需濬河造橋築路及另蓋廠房製造本廠開約章分類輯要

卷三十五

路礦電綫門

礦政類

三

礦器具需用地基可由華益公司代購應由會同公司發價其有機器借用水力費大工程者不許別人佔奪如需開小枝鐵路以通運道應勘明繪圖註說呈請礦務局轉報四川大憲及北京總局請示核定飭遵不得專擅至各礦廠相通應設電綫德律風之處亦可呈局查核辦理

十一華益公司理交涉收租稅會同公司辦礦務管工程各有專司互相稽查每廠應設華洋董事各一人薪水均由會同公司籌發此外各項司事人等自宜多用華人及礦丁全用土人諸事從厚另訂章程倘日後華人中有精練諳習礦學工程者應由礦務局督飭公司派充各項要職與洋匠一律看待以開風氣

十二會同公司於各礦廠開辦之始卽就近設立鐵路礦務學堂由礦務局及地方官紳挑取穎悟學生二三十名延請洋師教授以備路礦工程選用

十三凡開礦各處自應由礦務局照會地方官實力保護該礦廠亦應恪遵功令編聯保甲稽查奸宄如需練集民團保衛地方亦應由會同公司樂捐襄辦同資捍衛

十四礦務局承上發下辦理華洋交涉保護事宜公事繁則公費亦鉅該會同公司應於扣立正合同後三月開辦卽從開辦日起每廠每月繳礦務局公費銀一百兩此外別無加增勒派如逾限六個月延不開辦則此正合同作廢聽由華益公司另招別商開辦與會同公司無涉

約章分類輯要

卷三五

路礦電綫門

礦政類

四

十五凡由會同公司開採各礦遵照總局奏定章程除應完出井出口稅外每年結帳盈餘先按用本付官利六釐再提公積一分逐年歸本仍隨本減息俟用本歸清卽行停止此外所餘淨利按一百分之提二十五分報効中國國家餘歸公司自行分給

十六凡由會同公司開辦各礦不止一處應將各礦出入與所有盈餘各歸各廠清理如或彼虧此盈不得以此廠之盈補彼廠之虧致中國國家應得餘利因之減色

十七會同公司每至年終或盈或虧各分礦造具清冊應由華洋董事會算無訛然後刊列報章送至礦務局查核各礦盈虧會造簡明總摺呈報北京總局戶部及川省大憲查核

並將報効中國國家銀兩一同呈繳此項冊報係將應行報効銀兩核實以杜浮銷如有虧折仍不與中國國家及華益公司礦產相涉

十八凡會同公司所開各礦從開辦日起每廠以五十年爲限一經限滿不問盈虧卽以全廠機器料件及房屋道路凡在該廠成本項下置辦產業全行報効中國國家不必給價屆時由川省礦務局呈報北京總局及川省大憲派員驗收其原由華益公司租出地基仍歸原主管守

十九會同公司股票係華洋合辦自應按時價漲落互相買賣均聽其便如華益公司及此外華商紳富於五十年限內將會同公司股票收至四分之三卽將該礦廠先期收回由約章分類輯要

卷三十五

路礦電綫門

礦政類

巽

礦務局查報飭交該華商自行經理

二十凡華益公司購地交與會同公司開礦如因無利停開礦租無著應將該地聽由華益公司另行設法開採或作別項生理以免地價落空與會同公司無涉

二十一凡會同公司遣礦師勘明指出某處有佳礦實無把握購地甚難而必欲得地開礦者該地價應由會同公司出銀交與華益公司代購交辦以免地價落空俟本廠見礦後准就值百抽五地租內扣回地價本利清訖仍繳華益公司值百抽五地租如本廠無礦華益公司無租會同公司無從扣回地價本利不准在別廠抵扣兩無異說屆時另立憑據二十二凡會同公司開礦所需料件機器等物進口稅照開



平各礦現定章程完納海關正半稅項內地釐稅概不重征  
二十三該礦爲中國自主之產將來中國如與別國有戰爭  
之事該公司應聽中國號令不得接濟敵國

二十四凡總局奏定章程此合同所未載及者華益公司與  
會同公司均宜遵守

二十五現定章程扣立合同繕具華洋合璧共八分華益公  
司總辦李戴清會同公司華商總辦劉學詢  
洋商會辦摩賈同時畫押蓋用  
四川礦務局關防分呈統轄鐵路礦務總局總理衙門戶部  
及四川總督布政使各衙門各一分備案餘三分四川省礦  
務局存一分華益公司與會同公司各執一分爲憑如繙譯  
或有錯誤應以華文爲准

約章分類輯要

卷三五上

路礦電燈門

礦政類

吳

山西商務局與福公司議定山西開礦製鐵以及轉運  
各色礦產華洋合辦章程

一山西商務局稟奉山西巡撫批准專辦孟縣平定州潞安  
澤州與平陽府屬煤鐵以及他處煤油各礦今將批准各事  
轉請福公司辦理限六十年爲期應先由礦師勘定何鄉何  
山何種礦產繪圖貼說稟請山西巡撫查明果與地方情形  
無礙一面咨明總理衙門一面發給憑單准其開採礦地勿  
稍耽延如係民產向業主議明或租或買公平給價如係官  
產應照該處田則加倍納賦

二山西商務局稟奉山西巡撫批准自借洋債不得過一千  
萬兩之數如所派勘礦師以此數不敷於用山西商務局仍

專向福公司續借

三凡調度礦務與開採工程用人理財各事由福公司總董經理山西商務局總辦會同辦理

四各處礦廠應用華洋董事各一人洋董管工程華董理交涉一切帳目皆用洋式銀錢出入洋董經理華董稽核各礦廠總以多用華人爲是所有薪水皆由公司發給

五勘驗礦地或應打鑽掘井探視礦苗應先與地主商明踏損田禾酌量賠償至開礦以後或因礦塌陷損傷民命房屋應歸公司撫卹賠償若定辦一礦有佔民地必須會同地方官或向地主租用購買秉公定價務使兩不受虧方昭公允所開礦地無論或租或買但遇有墳塋祠墓必須設法繞越

約章分類輯要

卷三十五

路礦電綫門

礦政類

望

無得發掘

六所辦礦務每年所有礦產按照出井之價值百抽五作爲落地稅報効中國國家每年結帳盈餘先按用本付官利六釐再提公積一分逐年還本仍隨本減息俟用本還清公積卽行停止此外所餘淨利提二十五分歸中國國家餘歸公司自行分給以後中國他處有用洋款開採煤鐵礦者應一概仿照此章將所有礦產值百抽五納稅以歸劃一再此係商人籌借開辦礦務如有虧折與中國國家毫無干涉

七孟平澤潞地面甚廣開辦不止一處然各礦出入與所有盈餘各歸各礦清理如或彼虧此盈不得以此礦之盈補彼礦之虧致使國家應得餘利因之減少

八凡開礦所需料件機器等物進口照開平各礦現行章程完納海關正半稅項內地釐捐概不重征至開出礦產運出口時仍照關章納稅

九公司所開之礦以六十年爲限一經限滿公司所辦各礦無論新舊不論盈虧如何卽以全礦機器及該礦所有料件並房產基地河橋鐵路凡係在該礦成本項下置辦之業全行報効中國國家不求給價屆時商務局稟請山西巡撫派員驗收

十每處礦廠總以聯絡官民預息紛爭爲要應由商務局稟請巡撫酌派照料委員一人又設照料紳士一員由公司聘請該員紳薪水均由公司籌備

約章分類輯要

卷三五上 路礦電綫門

礦政類

吳

十一礦師工頭開辦之始自應選用洋人倘日後華人中有人精礦學諳習工程者商務局會同公司派充此項要職至其餘司事照料等職無關重大責成者皆用華人尤宜多用山西人以開風氣

十二礦丁亦宜多用晉人其工價應從公酌定至礦丁受傷應如何撫卹與使用數十年後應如何酌給養老之費又平日作工每日若干時刻各節統候開礦後再由商務局會同福公司採擇歐美各礦妥善章程商請巡撫定奪

十三福公司於各礦開辦之始卽於礦山就近開設礦務鐵路學堂由地方官紳選取青年穎悟學生二三十名延請洋師教授以備路礦因材選用此項經費由福公司籌備

十四山西商務局所借福公司銀一千萬兩係酌估之數將來每開一礦實需資本若干由福公司撥用後准福公司按照所用之數造印借款股分票刊刻章程定期發賣如華商於期內願買此種股票者則無論多寡聽其買取

十五華商收買此項礦務股票應由商務局按照時價漲落照章代爲收買或自行買賣均聽其便如華紳富商於六十年限內將礦股票收至四分之三將該礦先期收回由商務局查報飭交華商自行經理

十六凡於所准礦地遇有民人先經開採者不得侵佔如原主自願租賣應由商務局會同公司秉公給價但不得稍有抑勒

約章分類輯要

卷三十五

路礦電綫門

礦政類

三

十七各礦遇有修路造橋開濬河港或須添造分支鐵道接至幹路或何口以爲轉運該省煤鐵與各種礦產出境者均准福公司稟明山西巡撫自備款項修理不請公款其支路應訂章程屆時另議至正定至太原鐵道已由商務局另行借款修理該路左右各一百里內福公司不得另造鐵道以杜爭端凡爲以上所准各事其須用民地之處亦照各局已定章程租賣不得少佔民地仍求地方官代爲保護

十八每至年終或盈或虧各分礦造具清冊應各請華洋公正人一名核算無訛然後刊刻報單送至商務局察核各礦盈虧會造總冊呈報巡撫以憑分咨總理衙門戶部查核並將報効國家各項一併呈繳

十九該礦爲中國自主之產將來中國有與別國戰爭之事該公司應聽中國號令不得接濟敵國

二十茲章程華洋文繕具兩分各執爲憑

大清光緒二十四年四月初二日

即西歷一千八百九十八年五月二十一號

遵議漠河金廠開辦事宜疏

總理衙門奏竊臣衙門於光緒十三年十月初十日准軍機

處抄交黑龍江將軍恭鏜奏派員查有漠河金廠一摺又十

二月初七日抄交大學士直隸總督臣李鴻章奏據定漠河

金廠官商督辦詳細章程一摺均奉

硃批該衙門議奏單併發臣等查漠河在黑龍江省屬墨爾

根城之西北界於額爾古訥河旁烏河之間地勢背內興安

約章分類輯要

卷三十五

路礦電報

礦政類

五

嶺面黑龍江南至墨爾根經度斜距烏河約八百里紆道計一千餘里距齊齊哈爾省城經度約一千五百里由水路達愛琿一千五百里北距俄國新設之博克諾付克屯及阿勒巴金城僅一江之隔其地卽近年新設之博羅哈達卡倫也內興安嶺向有東金山之名國語謂之金阿林別乎阿爾泰山之爲西金山而言也該處金苗頗旺而地處邊荒外來匪徒在彼偷挖金沙出沒無定經前任將軍文緒派兵驅逐布置卡倫邊境始得廓清然地不愛寶蓄久必發利之所在人輒爭趨況當邊遠之區防範亦難周密前有俄商薩比湯在出使大臣處呈請欲租粗魯海圖地方設廠挖金其地卽在漠河之西彼蓋以中國未經官開辦故有此請嗣經臣等與

李鴻章恭鏗咨牘在案往來籌商辦法歷據該大臣將軍等先後遵奉上年十二月二十八日

諭旨派員查勘並議辦法臣等查閱李鴻章所奏章程十六條頗爲詳明竊思英之新金山美之舊金山俄之悉畢爾莫不淘挖金礦以爲富強之計中國雖有產金之地向來不事開採所出無多又經西人收買以致金價日昂況黑龍江地方自與畫江分界情勢又與往昔不同自來謀國遠圖不外興利實邊二策漠河礦務若果興辦得宜則利源日開人民漸聚富庶之基胥由於此現就原議章程逐條詳議應如所請開辦惟事屬創始經理匪易既據李鴻章奏稱道員用候補知府李金鏞血性忠勇不避艱險應請

約章分類輯要

卷三十五

路礦電綫門

礦政類

至

旨卽派該員督理黑龍江等處礦務以專責成至其中如何造輪船開運道招流民一事權添護勇各條於邊防均有關係且於中外交涉尤應處置得宜並請

飭下黑龍江將軍督同該員審度辦理不可稍涉大意此外未盡事宜仍由該員隨時稟請北洋大臣黑龍江將軍核奪咨送臣衙門備查

遵議李金鏞所擬漠河金廠章程十六條

一原奏統籌設局一條查開廠之始凡購器蓋屋造船開路及延雇礦師派設護勇等項需用經費先須籌定非招集商股無以濟事現已由北洋大臣借用商款銀十萬兩黑龍江將軍動撥庫款銀三萬兩自可先行開辦一俟商股招齊卽

將前款歸還應如所請辦理

一原奏招集商股一條查招集商股西洋名爲公司原屬眾擎易舉近年如輪船招商局及開平等處煤礦皆賴商股以資周轉但經理未能盡善無以取信於人今擬招集股本二十萬分作二十股於上海天津吉林等處設立分局支付息銀及運金銷售各節務須核實辦理俾出資者得有益庶足以廣招徠

一原奏定地開辦一條查金脈自額爾古納河西山起經奇乾阿勒罕直至阿木爾河下游計長五百里夙稱金穴漠河之元寶山溪邊向有金匪盜挖之跡現擬先從此處開起俟礦師探得苗旺之處次第辦理應如所擬先在該處擇地設約章分類輯要

卷三十五

路礦電報

礦政類

五

廠作爲開辦根基俟辦有成效然後由漠河以至奇乾阿勒罕河等處逐漸推廣

一原奏安延礦師一條查各處礦局每爲西人庸劣礦師所誤其真正高手礦師甚爲難得據稱熱河礦師哲爾者山東平度州礦師阿魯士威皆有本領此次延定礦師必須訪求確係可靠之人合同內亦宜詳細聲明免致虛糜款項

一原奏事權宜一條查漠河距齊齊哈爾省城陸路一千五百里若繞愛琿水路尤爲迂遠該上游係俄之士帖列省下游係海蘭泡省時有輪船往來開廠以後難保無交涉之事若無辦事之權往返稟商誠恐緩不濟急現擬責成李金鏞督理礦務所有一切交涉事件卽由該員一面相機妥辦

一面稟報如有事關重大者仍分別稟商北洋大臣黑龍江將軍核奪

一原奏創造輪船一條查咸豐八年愛璉條約訂明黑龍江只准中俄兩國行船不准別國行船光緒十二年四月間該將軍用兵漠河驅逐金匪每借俄輪以濟糧運諸多不便嗣購買俄商輪船一艘又復議而未成茲擬在吉林機器局代造小輪船二隻以便拖帶運糧船隻並造小長龍船四隻梭巡江面應如所請辦理至卡兵砍儲木柴以備輪船購用應由黑龍江將軍通飭遵辦

一原奏購買機器一條查淘金必先汲水人力殊不易施若用外洋機器則事半功倍且漠河產金之處距地面深不及約章分類輯要

卷三五

路礦電機

礦政類

五

丈所用機器較簡應即選擇購辦以資應用

一原奏慎選用人一條查漠河爲邊遠苦寒之地人皆視爲畏途金廠襄辦需人非尋常局務可比若非破格優獎不足以示鼓勵應如所請在廠經辦各員俟三年後如果實效昭彰准擇其尤爲出力者照異常勞績從優酌保數員其出力較次之員照尋常勞績保獎不得概從優保以示區別仍應查照定章將各該員到廠日期及經管何項事務先行咨部立案不咨者不准入保至將來保獎員數擬臨時察看情形按成效之大小定人數之多寡倘涉浮濫即將出力稍次及

一事未久之員酌量刪減庶於激勸之中仍寓核實之意

一原奏招回流民一條查從前盜挖金沙大率皆山東直隸



游手傭工之人由海參威恪克圖流徙至彼自經官兵驅逐渡江流入俄境者頗不乏人此次招工開挖如有自願來歸者自可酌量收用惟其中如有已入俄籍之人卽不應濫行收畱以示區別此事務宜妥慎籌辦不可孟浪從事

一原奏開通運道一條查自齊齊哈爾至愛琿復由愛琿至漠河水陸計程二千三百五十里據李金鏞探得由齊齊哈爾徑達漠河旱路僅止一千四五百里照向來程途可近八九百里惟山深林密向爲人跡所不到擬請撥兵一二十人伐木開路除底餉外量給犒賞係爲運糧便捷起見應請

飭下黑龍江將軍會同東三省練兵大臣卽行酌派練軍前往俾資調遣其安設電綫卡勇分布卡勇汛守各節應俟工約章分類輯要

卷三十五

路礦電綫門

礦政類

蓄

竣後次第辦理

一原奏募勇保護一條查新設之羅博哈達卡倫防兵只五百名以之彈壓礦廠兼顧防秋尙嫌單薄既據稱另募一營餉由金廠籌給卽歸該員統領俾收指臂之效事亦可行至勇營編成後應仍造冊詳報該將軍以備稽考

一原奏公舉司帳股友助理節省局用預計盈虧各條查以上四條皆係參酌公司辦法應責成該員隨宜斟酌稟明該管上司核實辦理

一原奏均派餘利一條擬照所請辦有成效之後除將借款陸續提還並將官利及員司礦師薪水局費勇糧一切開支外酌定所有盈餘作爲二十成計算以六成提充軍餉四成

作爲該局花紅其餘十成歸商股均分俾得均沾利益將收支款目按年送部備查免其造冊報銷將來金砂果旺規模日益擴充應如何開拓變通以裕餉源之處屆時察看情形再行酌辦

### 江西惲令積勛查勘萍鄉煤礦條陳

一萍鄉煤苗發源共有兩處一在縣治西北之陽岐山一在縣治東南之武功山陽岐以北至上栗市一帶所產之煤可鍊焦者十居三四土人現於爛泥湖觀音岩蕉源等處初次開挖故暫時難期暢旺若能加以擴充再開河下裏竹篙林各窿每年共可得油煤兩三萬噸該處距城八十餘里離湖南瀏陽縣境二十里取煤工作之人半係湘民且該處一日約章分類輯要

卷三五上

路礦電綫門

礦政類

五

不能往返商之顧令及紳董均謂未便偕同洋礦師前去查勘故僅飭礦戶將各窿煤樣送局化驗以昭慎重至陽岐山以西之蕉源菴菴坡裏仙岩石窩榨高花坑坡等處曾經前採辦委員歐陽柄榮據化學生試驗磷磺較重合鍊焦者甚少此陽岐山發源西北兩路之實在情形也至武功山發源一帶綵延百餘里自高坑經龍家坤紫家坤小坑裏天滋山雙峯凹五坡下至義下坤止爲東路由小金山經張公塘岩嶺寨錫坑風車凹壩善坤之坵田五公頂至安源止爲南路總計大小煤窿五十九座每年約出油煤十萬餘噸其中灰輕能鍊焦者十居八九最佳者可與開平焦炭相伯仲此武功發源兩路煤礦之實在情形也

一萍鄉產煤向有兩種一曰白煤供民間薪爨之用每年約出二十萬噸一曰油煤可煉焦炭每年約出十餘萬噸  
一煤苗之厚薄東南各異東苗第一層曰小砑板磗又名隔壁磗厚一尺二層曰大砑板磗厚一尺五寸三層曰大磗厚四尺五寸四層曰硬子磗厚一尺五寸五層曰白花磗厚四尺南苗第一層曰老磗厚一尺五寸二層曰裂皮磗厚二尺五寸三層曰大磗厚五尺四層曰大底板磗厚三尺五層曰小底板磗厚二尺總查東南各窿取至二百餘丈僅及第三層大磗者約五分之二而深挖至第五層白花磗者僅龍家坤之昇福井一處

一訪問萍邑開煤老戶云萍煤有深至十五層者每開至二

約章分類輯要

卷三五上

路礦電機門

礦政類

五

三層或遇水廢棄且至第六層下石壁有厚至一二丈者人力難施如能用機器鑿開石壁則煤又可層出不窮矣  
一萍俗一山產煤租買者每多至十餘業戶零星開挖因之向無大井彼此隧道相遇便起爭端動至因訟停工卽如現在三家坤之多福井與沙子界之平福井構訟停挖故煤窿雖夥而出煤無多

一東南一帶有水廢窿統計大小四十八座產煤最稱上品每因開至二百餘丈至第三層煤見水停挖深爲可惜如能將吸水機器屏去積水每月約可出油煤七八千噸

一萍邑煤窿在山腰者爲斜井在山麓者爲橫井並無直下井口起重機器一無所用聞之礦師云窿內宜用小鐵軌運

煤較之人力爲易

一萍煤煉焦頗爲得法推原出焦不多之故皆因鑪座太少此次下鄉逐一查勘大磚鑪已成者計共二十四座每月統計出焦七八百噸外尙有土造八卦鑪二十餘座所出焦炭較磚鑪爲遜如欲焦炭多出必須飭各井戶將土鑪廢棄多造磚鑪如有資本匱乏無力改造者由該承辦總商借給資本並飭各立合同此後改造磚鑪所出之焦概歸鐵廠收用不准私售他處如此舉辦每月可得煉成焦炭五六千噸來源既裕自能暢旺而不竭

一萍煤盡數鐵廠之用惟採辦轉運二者貴得其時然後無虞缺乏管見以爲宜大集商股先於秋冬農力閒暇之時廣約章分類輯要

卷三十五

路礦電綫門

礦政類

五

爲採取儲積鍊焦待春夏河水漲時分批陸續轉運到鄂交鐵廠收用免致臨渴掘井緩不濟急

一萍邑煤質最佳運到鄂省均變劣煤皆由船戶沿途攙假故至鐵廠交卸半皆泥土不如將油煤停止採辦全數就萍鍊成焦炭運至鄂省既杜船戶攙假又免鐵廠冶煉誠一舉而兩得也

一自江省溯江而上行一百九十里入袁河至袁州府城計共水程六百二十里沿途淺灘九十餘處水壩八十餘處最深處約三四尺最淺處約三四寸不等由府城一百二十里至萍鄉縣屬之蘆溪雖有小河可通舟楫惟河身淺窄且地勢高如建瓴灘壩又多三日不雨則水涸舟行膠滯該處至

縣治仍有旱道五十里故此大往萍卽由府起旱計程一百四十里自高岡鋪以往或山路陡險或田塍曲狹以水道而論運煤重載不能銜尾而下以旱道而論收買民間田塍修築鐵道計費不貲卽掛綫路亦難安設不如仍由湘潭過載取道湘河運鄂爲安

一萍習向狃於形家之說居民墳墓有距數里之遙者如往開挖新井鄉人多方霸阻甚至激成械鬪卽於官山水口一山向稱萍邑風水所關至今雖大開挖煤利源而官山仍然封禁此外封禁者亦復不少數百年相習成風難以破除成見果能吸水重開廢井則煤不可勝用矣

一萍煤向用土法開採稍深遇水無法去之卽將舊窿廢棄

約章分類輯要

卷三五

路礦電綫

礦政類

五

另開他井業戶工人終年勞瘁用力甚苦而所得無多誠不若仿照西法用機器開採之爲便捷到萍後已將此意爲四鄉紳董及井戶人等再三曉諭該紳董深以爲便惟業戶俱非殷實需用吸水機器無力購買意欲向官借用而又不願洋匠襄助此誠鄉愚狃於習俗之見也

一煤由萍鄉東門下河走長潭至湘潭計水程二百九十里其間雖灘壩較多於袁河而此河之水發源於陽岐山源流頗暢經冬亦水深二三尺用小船轉運似無窒礙

一萍邑各處所產煤炭飭各窿戶採樣送局由洋礦師用竹筒分裝標明字號帶回漢廠再行化驗灰之輕重分別炭之等差以便去取

一萍鄉西路之湘東至醴陵湘潭一帶居民皆染楚習强悍異常且駁煤船戶盡屬楚產屢接洋礦師函欲往查勘河道熟商顧令再三籌酌以爲來去均需時日沿途恐遭意外之虞具函力阻並煩繙譯面將各情詳述故未前往

### 湖南奏定礦務簡明章程

#### 總局章程十五條

一辦法 由官督辦不招商股者曰官辦招商入股者曰官商合辦由商請辦官不入股者曰官督商辦官辦官商合辦者由總局委員經理官督商辦者由商人自行經理惟分別給收砂護照或派員抽收砂稅鑪稅

一礦質 無論何種礦質擬請開采者均須先采樣砂呈報約章分類輯要

卷三五上

路礦電綫門

礦政類

五

總局交化學房詳細化分成色是否合用可開之礦如係硝磺錫砂等類本非民間所能私采或應歸官辦或應歸民采官收辦法均由總局隨時相地斟酌批示照行

硝磺辦法另有章程錫砂

民采官收章程附後

一收砂 凡產礦地方除由官辦官商合辦官督商辦外所有小民零星采挖向係隨得隨賣非集費開廠者並由總局查明飭由附近分局員紳會同地方官出示曉諭照時價公平收買此於第一條三項辦法外畧示變通該處小民究不得於有妨礙之處藉口民采官收強行開挖致滋事端

一用人 總局由撫憲選派司道大員爲總辦其會辦提調及各分局總會辦則員紳並用總局會辦提調由撫憲札委

總局文案收支及各分局員紳由總局札委總局司事及各分局收支司事均由總局酌定人數稟請撫憲核准仍由總局分別選派至各分局所需局勇礦丁不拘本處別處民人皆可參用畧以營制部勒以便責成礦丁視礦之大小鑪匠視砂之多寡其數目由該局員紳隨時酌定若礦大事繁或一處數礦及扼要地方須另置轉運局者一人經理不到則由總局加委會辦或再加委幫辦襄辦均俟酌量施行

一經費報銷 總局各項支銷按月開載實數造具四柱清冊申詳撫憲并將各分局前月報銷所列收支銀錢采運砂煤各項總數彙冊附齎以備統核

一礦砂報銷 除各礦旬報按月彙送總局並徑申撫憲外

約章分類輯要

卷三十五

路礦電鑛

礦政類

卒

所有總局收到各局礦砂若干運出若干銷售若干並某局某種價值若干亦按月據轉運局報冊彙詳撫憲查核

一設堆棧 除省城設立堆棧外所采所收各砂須運至鄂滬銷售者分於漢口上海各擇地設立轉運局一所委員經理出入事件其各砂銷售價值仍由總局定奪

一設鑪 現於省會南門外擇地設立鍊銅鉛鍊錫西法土法各鑪所有各廠局所采之礦砂分別解交提鍊

一轉運銷售 所有官辦官商合辦及官收各種礦砂須運出銷售者由該礦員紳分批報解轉運局或省城堆棧收存仍由總局督理銷售

一緝私 凡各局辦公人及商民人等均不得私運礦砂業

由撫憲通飭各釐局委員嚴行查緝如經查出私運無論何人管解一律將所運之砂概行充公仍由釐局解交總局折價給賞若各局辦公人等有串通知情等弊必再行分別嚴辦

一抽稅免釐 官辦官商合辦官督商辦各礦均應抽稅惟創辦之初未能暢旺業經前撫憲陳奏准暫免抽收一俟稍有成效再行詳請撫憲咨部酌定稅則照案就地併作一次抽收彙案解部將來各礦業經抽稅者所有釐金概行奏請豁免

一發給護照串票 官辦各礦所采礦砂及收買各項礦砂無論已鍊未鍊運往本省各地方者一律填發總局護照以約章分類輯要 卷三十五 路礦電籌 礦政類 空 便經過各釐卡查驗放行其官商合辦官督商辦各礦所獲礦砂不經總局收買即須提成充稅亦即填給護照串票如無護照串票概以私論至轉運各項礦砂出省應由總局請用撫憲護照

一提紅 所開各礦凡屬官辦官商合辦者一經獲效每年除提稅提息提經費外所有贏餘應由總局於年終彙數核算酌提紅成若干以爲該礦員紳司巡人等及各轉運局獎賞并該地方善舉至總局辦事人等及各礦地方官營汛各員照料得力者亦由總局開單呈請撫憲於提紅項內酌派獎賞官督商辦者由商人自行經理不在此例

一稽核功過 所有各局員紳如果廉幹勤謹功效卓著年



終由總局稟請撫憲大則破格獎勵小則記功一次倘操守不謹辦理不善重則撤委究治輕則記過一次總局各員則由撫憲查察核奪一體辦理又凡礦必有須地方官相助爲理之事各地方官及營汛各員或實心實力相與有成或白私自利遇事規避年終由總局據實稟詳撫憲其如何分別辦理之處則由撫憲核奪

一另擬分地分礦細章 所定簡明章程及分局章程皆舉大概而言其各礦各鑪情形自不能同辦法亦卽有異有難懸揣預定者由辦理員紳於開辦之時詳加體察另擬細章呈總局核准遵行

一礦地 先由總局派員與礦師登山查勘如礦質果旺於約章分類輯要

卷三五上

路礦電綫門

礦政類

空

民人墳墓田地廬舍又皆無妨礙所有妨礙之墳墓田地廬民除田地照時價優給外墳則量予遷葬自願遷改拆毀賣出者費廬舍則量予修造之費臨時酌辦再行酌辦該山除官地不論外若係民人私業照原契價從優契買入官礦地之外或有佔據之處或有妨礙地方亦量予優價酌買入官抑或業主自願出租亦可分別酌給租價按年計算遇有大礦用機器開采者仿開平例依脈十里內無論何人之業均不得另開窿口其小礦用人力開採者依脈三里內無論何人之業均不得另開窿口均要指定一窿起算計里不得游移以圖多佔地段

一礦鑪 除由省會設立西法土法各鑪提鍊各種礦砂外其有可以就各處提鍊者於該礦扼要地方另立鑪局所有

一切應辦事件卽責成該局員紳經理

一礦砂轉運 所收所采之砂有不須提鍊及不能就本處提鍊者一經積有成數由該局員紳分起運解轉運局或省城堆棧其就本處提鍊者提淨後解總局

一礦砂旬報 總局刊發旬報單冊發交各分局逐日將挖

深尺數轟開尺數所得毛砂碩數如係煤礦卽注明塊煤末煤字樣及窿丁

人數分晰載明並開列逐旬原儲新采各項砂數按月隨報

銷冊齎送其就山開鑪者另報成數及提淨碩數各分局如

有收買礦砂另文詳報

一礦砂價值 凡各廠局所收所采礦砂概由總局督理銷

售其所得價值若干仍分別載明隨時行知該分局以核贏

約章分類輯要

卷三至

路礦電機

礦政類

奎

虧

一經費報銷 開辦之後由該局員紳陸續赴總局領款按

月查照頒發四柱程式開具實數清冊冊尾卽將本月經費

攤計所得砂數每碩成本若干再估計售價劃抵本月經費

及運出水腳算明實在贏虧若干詳細開載申報撫憲總局

限於下月初旬齎送以憑彙報其委員司事薪水均由本局

支取

一嚴束丁勇 援照滇南開平礦務例凡局廠准設枷笞兩

項形具鑪局轉運局收砂局不在此例遇礦丁局勇有不法之事或在外滋

擾由委員督查審訊量予枷笞如所犯過重及地方痞棍入

廠滋擾者仍移送地方官究懲其有須調防營分駐彈壓者

隨時酌量稟請

### 官商合辦章程十五條

一礦地

一礦鑪

一礦砂轉運

一礦砂旬報

一嚴束丁勇 以上五條與官辦章程同

一股份 由承辦紳商查勘礦之大小須集股本若干以定股分多少每股定收省平足紋銀伍拾兩有由官指某礦招股者有由商集股請開某礦者均分作十成官三商七官四商六或官商各半臨時再行酌定如本礦日後或擴充工程約章分類輯要

卷三

路礦電綫門

礦政類

查

或因一時虧折須加增股本儘先有之股按股酌派如均不願增加或有增加而仍不足再行另招別人

一招股 凡指礦招股之處由總局酌派員紳或不派員紳即委商董經理臨時酌行議定股數多寡設局開辦或就近准各商民赴局入股發給實收或擇該礦地方公正富紳發交實收令其招集並飭該地方官出示曉諭商民以杜假冒其未經出示曉諭之處遇有不法之徒招搖撞騙准商民拏獲稟究

一填給實收 凡入股者將銀繳足後即發給局印實收一紙注明本人姓名籍貫暨某縣某礦股數若干繳銀若干經收某所經手某人一俟招足後由總局調查實收存根一律

按開辦年月填寫股票起息准各商民隨時向經收股銀處換票

一股票 每股給票一紙票內註明某山某礦暨本人姓名籍貫與實收同其股銀不論多少有無夥伴湊集總局祇認票上一人若本人身故或將股票轉售別人准赴局呈明更換惟不得抽回所入股銀並以別國人頂替

一股息 每年年終將本礦出入總結一次官商股本均按數提息捌釐商股由總局發給印摺以憑向某處摺內再行註明支取

一股銀 無論官指某礦招股商集股請辦某礦一俟股銀彙齊即公同酌量發存省城錢鋪另立清摺除由該礦隨時約章分類輯要卷三五上 路礦電綫門 礦政類 奎請領經費外總局並不得私行提用

一派股商入局辦事 凡由官指某礦招股由商集股請辦某礦股銀彙齊後應儘股分多者公同聯名保薦一家賞股實品行端方之人出具切結稟候總局給札委充商董入局辦事並准薦用司事數人其未經札委各股商皆得有言事之權遇有利弊不妨向該分局直陳所見

一礦砂價值 凡各廠局所采礦砂雖由總局督理銷售其所得價值若干仍分別載明將銀發存省城錢鋪另立清摺以俟年終彙算

一經費報銷 由該礦員紳商董於所集官商股本及所獲礦砂價值內支用不得另行領款其報銷程式一律與官辦

同

一贏虧均攤 該礦除提經費及提稅提息提紅外所有贏餘若干官商照股勻攤若有虧折亦一律認派

官督商辦章程七條

一礦地 商民采得可開之礦呈驗樣砂即由本人覓保逕

稟總局或由本人稟明地方官轉詳總局由局訪察其人果

係殷實老成乃派員前往會同地方官登山查勘果於附近

墳墓田地廬舍俱無妨礙稟覆到局方准給帖開采該山係

民人私業任本人與業主租買若係官地或歸官商合辦或

另抽地稅臨時酌辦

一保結 該商集費開采不准招集別國人入股稟辦之時

約章分類輯要

卷三十五

路礦電綫門

礦政類

奎

須邀同省城殷實商戶出具保結親身投局由局派人持驗

蓋戳方能核准其結通用總局核定稿式

附結式

具切結人

現住

街開設

確係殷實今遵

今於

礦務總局官督商辦章程請開辦

縣人

縣人

鄉

礦聽候批示查勘遵行不敢藉端招搖滋事其地與民人田墓廬舍並無妨礙將來如蒙核准一切均按照章程

謹慎從事倘有上項情弊及不恪遵批示章程之處除將懲治外保人甘願同坐所具切結是實須至切結者

一局帖 查勘之後如並無妨礙應由該商赴局呈請發給

局帖並准札行該管地方官妥為照料惟不得逕往開采延

不請帖除煤礦鐵礦外無論何項礦質

如錫砒雄黃水銀硃砂之類

一例

辦理附帖

一此帖無論何礦及礦之大小每帖一張均繳費銀一百兩正以後照部定新章納稅不得行使一切陋規如遇有

勘索情事准該商稟究

一礦山開辦日期由該商稟明總局及該管地方官查核如領帖之後三個月未經開辦准地方官及附近分局委員查報除將此帖追繳外仍查訊原稟商人有無延宕時

日藉帖駭騙情事分別究辦一此帖不准移開別處礦山並不准另采別項礦質如該商自願停辦准稟明總局另招股實紳商承充候查明核

准換給新帖原帖繳還作抵一半仍繳帖費銀五十兩正

一收砂 凡銅鉛等礦已經領帖者准由該商攜帶礦質來

總局化驗如果砂質合用該商不能自行設鑪提鍊即由總

局酌派員紳前往薪水雜費由總局核定更番發給收砂護照仰該商

礦將所采之砂分起運解省城照時價運腳公平收買總局

如不願收買即由局照章抽收砂稅仍准更番換給護照由

該商自籌銷路在此例

一設鑪 凡銅鉛等礦領帖後出砂甚旺商本充足能自行

約章分類輯要 卷三五上 路礦電路門 礦政類 空

提鍊者無論西法土法准其稟報總局如未經稟報即以私鑪論即由總

局派員駐廠監收鑪稅不再抽砂稅仍發給護照以便運銷

銅鑪供鑄錢之用 應歸總局收買一經停鑪稅即截止砂稅停辦同

一已開各礦補領局帖 凡銀銅鉛等礦於未奏辦礦務以

前已經商民開采者應即前赴總局報明照章呈請局帖其

砂不能自行提鍊准照前收砂條內辦理其已設鑪提鍊者

亦應呈請總局派員抽收砂稅鑪稅違者查出重究

一煤鐵各礦無庸領帖 凡煤礦鐵礦向經商民開采及商民新近覓得專用土法開采者但於田廬墳墓實無妨礙均准其照常辦理無庸稟局領帖

錫礦民采官收章程

一辦法 商民覓得錫礦由本人指定一處山名覓保逕稟  
總局或即就近覓保稟明地方官轉詳總局核准後發給護  
照一張由地方官轉詳者護照即發交地方官轉給令該商  
運解樣砂數十碩或十餘碩交總局化驗成色估定價值以  
便收買如砂質太劣即應停辦

一保結 此項辦法無庸委員查勘繳費領帖商民稟請開  
辦現奉撫憲諭凡商民稟辦錫礦者須委員查勘以免輕轉  
須邀同省城殷實商戶出具保結親身投局由局派人持驗  
蓋戳方能核准其結通用總局核定稿式 附結式

具切結保人 與切結事實結得 現餽 縣人 街開設 今遵 今於  
礦務總局民采官收章程稟請試采  
錫礦先取樣砂解驗候示遵行不敢私行售銷及招搖滋

約章分類輯要 卷三五上 路礦電鑛 礦政類 交

事其地與民人田墓廬舍並無妨礙如蒙核准隨時將所  
采錫砂運解局聽候給價收買倘有不恪遵批示章程  
之處除將懲治外保人甘願同坐所具切結是實須  
至切結者

一給價 商民奉發護照采獲錫砂解局每次均照鍊廠試  
鍊成色之高下按定成數發給價值

一監采 錫砂以純淨為要若攙雜巖石即難提鍊解局後  
仍須挑剔淨盡如該山出砂漸多應即由總局揀派員紳前  
往監采督同該商挑剔劣砂以免虛耗運費

一嚴禁私運 錫砂提鍊可作炸藥關係軍需業奉撫憲俞  
奏請嚴禁私販私運並嚴飭釐卡查禁在案如有商人違禁  
私運一經釐卡查獲無論多少及何處所產一律照例全數  
充公並將承采商民及運砂船戶拏訊照私售硝磺例懲治

倘爲數無多業已弊混出境始經總局派駐鄰省轉運局員  
紳查出亦必跟追承采商民從嚴懲治

一護照 所采之砂由該山運至總局或應運至附近局廠  
交納隨時諭令該商照辦沿途應過釐卡均由總局發給護  
照以憑查驗

一員紳薪水雜費 所派監采員紳薪水雜費酌定一律由  
總局發給如該員紳隨從人等有科派勒索情事准該商隨  
時稟究

一運費 礦砂由該商自僱船隻裝運所有運費應由該商  
自備如運道確係艱遠仍准酌予津貼

一勛兩 總局收發處係用西式磅稱扣成噸數每噸計一千六百八

約章分類輯要 卷三十五 路礦電機門 礦政類 查

十查西稱較一六正稱每勛應多一兩零六分六釐零該商  
起運時務須查照以歸一律

一保護 該商稟准後即由總局札行該管地方官出示曉  
諭並妥爲照料如有痞徒阻撓滋事除由該商隨時稟請地  
方官拏辦外並准稟知總局查明札行拏究

一山地 凡一處山地已有商人稟准承辦以後即不准別  
商躡奪如有別商朦稟躡入在該礦三里以內另開窟口之  
事准原稟商人隨時稟請查禁

一限期 商民請開錫礦一經核准限於一箇月內采呈樣  
砂到省再限兩箇月內興工采運倘逾期限即將原案調銷  
另招妥商承辦

另招妥商承辦



一推廣 鄰省毘連湘境多產此種銻砂皆須由湘省水道經過如有各省商民辦運自應一體給價收買以免誤入私販之例惟各省運道較遠給價亦必從優以示體卹本省商民不得朦混影射致干查究

一抽稅 凡民采官收均應完納礦稅惟試辦未久業經前撫憲陳奏准暫緩抽收稅釐原以固商本而開風氣自應查照辦理一俟各礦漸次暢旺卽一律按照部章奏案由總局於各商所解銻砂內提成充稅彙報候撥

### 湖南詳定硝磺簡明章程

一湘省硝磺遵照奏案由礦務總局經理現擬專歸商人商出凡請票前往各屬出產硝磺地方分途收採者謂之採商約章分類輯要

卷三五

路礦電機門

礦政類

主

請票運往各省銷售硝磺地方分途販賣者謂之運商分別採票運票每硝百觔應由該商請領採票運票各繳錢八百文每礦百觔亦由該商請領採票運票各繳錢五百文分由採商運商各於領票時繳局均用九九七制錢無絲毫折扣亦無絲毫別項使費

一硝磺歸商收採採商須邀同殷實公正紳商親身投局出具擔保切結稟請發給採票每採硝票一張額定採硝五千觔應繳錢四十串文每採磺票一張額足採磺一萬觔應繳錢五十串文如所採不及票額觔數應卽加採如額如溢出票額觔數准該商續請採票不得擅自浮採

一採商於領票後在指定地方採得硝若干觔採得磺若干

勛須隨時報明礦務總局由局發給草票交該商收執一俟採完立即將採票繳銷不得延緩仍照章續領採票

一採票指定在二百里以內者限兩箇月內繳銷在五百里以內者限三箇月內繳銷在五百里以外者限四箇月內繳銷如逾限不赴局繳銷採票即勒令保人催繳如仍不繳銷除行該管地方官拏辦外並惟保人是問

一採商賣與運商須於礦務總局所發草票上填明運商籍貫姓名居址令運商親持草票並取具公正殷實保人切結赴礦務總局對換運票每兩百兩照章繳錢八百文每兩百兩照章繳錢五百文均按照所運實數核算不得以多報少如有浮出即以私論

約章分類輯要

卷五十五

路礦電綫

礦政類

主

此項運票准赴湖北江西安徽江蘇浙江廣東廣西各省行銷不再抽收釐稅

一草票由採商發與運商准其隨時掣給赴局請換運票如採商領採票一張綜計前後所填草票已滿足兩五千兩

一萬兩之數

售硝草票每起五十張售磺草票每起一百張

即行停止運票如草票

未經掣完是售出之數不及原採兩數應惟該採商是問

一行銷本省硝磺不論遠近及販賣與自行售銷均應一律照章請領運票如無運票即以私論

一採商稟明指定某府某縣採硝採磺准由礦務總局札飭地方官照料以免滋生事端如該商於指定縣分外躡越別縣即以私採論罪仍不得藉票壞人牆壁廬墓尤不得擅自開礦如違均照例究辦

一運商向採商買硝買磺其價當由該商等公同議定交兌

與局無涉

一各省官局及各省商戶遵照奏案赴礦務總局採買硝磺者應查明各採商繳銷採票之先後按次指令照時價轉買其草票運票一律照此次章程辦理

一定章之後詳請撫憲嚴飭各屬釐金關卡嗣後如有硝磺經過均隨時掣驗過秤如查有票貨不符除照章全數折價充賞外仍治該商以應得之罪

一硝磺一經囤積每有耗失此次由局酌定採運觔兩均用較準十六兩正秤加二計算以示體卹並知照釐金關卡一體查照如該商藉口夾帶多觔並以私論

一凡出產硝磺較旺地方自應酌量情形多發採票不准藉約章分類輯要  
卷三十五  
路礦電綫門  
礦政類  
圭  
端爭競如同採滋事一經發覺無論兩造曲直一律採票調銷並嚴行懲治

以上礦政章程

鐵路礦政電線門

礦政類成案

湘撫陳奏湘省出運礦砂及行銷各省硝磺一律免稅

摺

湖南巡撫奏竊臣前將設立礦務局開辦各礦緣由奏奉

諭旨飭辦在案隨經先後飭屬查報礦苗次第委勘逐漸開採創辦之初一時未能暢旺數月以來除陸續收採硝磺外惟益陽之錫礦常甯之鉛砂採獲較多甯鄉煤礦亦已獲煤數百噸然皆本省需用無幾非裝運出境別無銷路查通商口岸稅則及各省釐金局卡章程無論何項礦砂均須一律約章分類輯要卷三十五下路礦電線門 礦政類 一

報收今值試辦未久開採轉運已費鉅資若更於所經關卡抽收釐稅必致虧折資本礙難售銷恐無以保利源而資周轉據礦務局司道據情詳請

奏免稅釐前來臣惟湘省辦理礦務風氣初開首在維持官

商資本徐圖擴充當經試辦伊始擬暫量加體恤免其抽稅完釐一俟成效漸著行銷漸廣即行咨商戶部酌定稅則由湘省坐地併作一次抽收彙款解部以歸簡易而免流弊所有湖南目前及將來運出各種礦砂無論已煉未煉並臣前次奏定官辦銷行內地各省硝磺經過各關卡應完稅釐擬合仰懇

天恩俯准一律免其抽收由臣分別發給護照持驗放行如

蒙俞允應候

勅下戶部並總理各國事務衙門分別知照各省關再由臣  
咨明各省督撫臣轉飭所屬關卡一體遵照辦理臣為維持  
礦務起見是否有當理合會同湖廣總督臣張之洞恭摺具  
陳伏乞

聖鑒訓示謹奏

江督劉奏上海製造機器局需用湘省生鐵礦石請免

稅釐片

南洋大臣劉片江南機器製造局近來仿造前後膛鋼質大  
礮並後膛新式兵槍業已漸著成效惟需用鋼料仍須取資  
外洋不獨利源外溢遇有緩急更慮受制於人亟應設爐自  
約章分類輯要

卷二十六

路礦電線門

礦政類

二

鍊以資利用而杜漏卮惟該局經費有限不能不逐漸圖維  
現經購辦煉鋼機爐一分並在湖南湘鄉縣購取礦石生鐵  
分別試煉甚為合用且其生鐵體質亦與外洋硬質生鐵無  
異除攪和煉鋼之外並可鑄造大礮彈子合計價值亦較購  
自外洋為廉現祇鋼爐一分年需生鐵礦石各八百噸並由  
外洋添購大爐一具以圖擴充每年約需礦石生鐵各三千  
噸寶慶邵陽益陽新甯等處所產與湘鄉相同礦產亦旺將  
來若專在湘省購辦亦足敷用現經該局與礦戶訂立合同  
限數定購按起發給照票令其運局驗收給價註銷照票以  
後所需另行換給辦運俾免派員採辦多所耗費仍一面將  
定購數目隨時稟請咨行各省關卡照案查驗免完稅釐如

該礦戶照外多帶及有別項貨物仍令照納釐稅以杜影射  
據江南機器製造局稟請奏咨前來除分咨外理合附片陳  
明伏乞

聖鑒謹奏光緒十八年閏六月初五日

鄂督張奏湖北鐵廠鋼鐵行銷各省章程

湖廣總督張片准戶部咨令於鐵廠開辦後詳定行銷各省  
章程并將所出鋼鐵數目分季造報海軍衙門戶部等語查  
中國自開鐵廠乃奉

旨飭辦之件關係自強要圖凡我軍國所需自宜取資官廠  
惟賴戶部與各衙門及各省合力維持方足以暢地產而保  
利權至所出鐵貨既係動用官本均係官物且開辦之初工  
約章分類輯要

卷三十五下

路礦電氣門

礦政類

三

本較鉅行銷各省及出口運銷外洋自應一律統免稅釐以  
輕成本且

臣

近接出使日本大臣汪鳳藻來函日本現亦擬

創設鐵廠擬派員來華觀看湖北鐵廠等語是外國皆汲汲  
於鍊鐵一事則中國鐵廠尤宜多方護持振興以期暢旺所  
有北洋鐵路局及各省製造機器輪船等局需用各種鋼鐵  
物料或開明尺寸或繪寄圖樣漢陽鐵廠均可照式製造與  
外洋料一律適用至開辦之初工本猝難預計其價值惟有  
暫照各省所購外洋鋼鐵時價應於議定需用物料若干價  
值若干或先付半價或先付三分之一或酌付定銀應由湖  
北隨時體察情形與各該省商辦相應請

旨勅下戶部總理海軍衙門總理各國事務衙門迅速核定

章程通行各省查照辦理至漢陽廠所出鋼鐵數目一年之內或有分鍊錳鐵之日或有修理機器爐座之日且鋼鐵等差種類甚多或視何項鐵貨需用較多較急卽行酌量多少分別製造若按季報部端緒過形繁雜且不免參差似須滿一年後方能統計盈虛擬請每年

奏咨一次以歸簡明而昭核實謹附片具陳伏祈

聖鑒謹奏光緒十九年十月二十日

### 奏請開礦要摺

御史陳其璋奏竊以周官理財列卞人之職漢史志地詳銅鐵之官誠以有國利賴農桑之外厥惟礦利爲大近年已屢經各督撫奏請開採奉

約章分類輯要

卷三五下

路礦電綫門

礦政類

四

旨允准者如漠河之金礦開平之煤礦平泉之銅礦早經興辦他如嶧縣新疆湖北尙有數十處每苦於運售不易故風氣未能大開茲鐵路公司已奉

特旨准辦數年之內必可觀成則各省有礦之處皆可陸續辦理轉運旣便開採尤有把握今將有礦處所及利益情形敬爲我

皇上陳之中國五金煤鐵之富甲於地球久爲西人所豔羨癸酉年西報稱德人遊歷中國曾遵直隸山東湖南湖北等省探悉礦產極富煤礦尤多復聞山東山西雲南亦然奧國博物院謂中國煤產以江西樂平山東萊州浙江江山及湖南等處爲最而莫多於山西比利時議院謂中華土厚人稠

金銀鐵錫四金之礦所在多有通國煤產十倍於英李提摩太時事新論謂山西礦產曾經德人遊歷稱該省煤鐵之礦品居上多至三十萬餘英方里礦產之見於西人稱述者如此其見於臣工奏摺者如前兩江總督沈葆楨覆陳洋務事宜疏謂福建古田等處產鐵甚旺洋人用之皆以爲鐵質勝於西洋前福建巡撫丁日昌海防條議稱磁縣平陸大同太原米脂等處皆煤多而佳濰縣萊蕪等處皆有煤而塊亦大鎮江之東南山煤鐵五金似皆可採浙江之金華福建之平定則有煤井各省產鐵尤多廣東之芝麻鐵尤有堅力近日出使大臣許景澄所譯俄圖稱新疆和闐至羅布淖爾一帶共有金礦十七處皆經俄人測繪可憑礦產之見於臣工奏約章分類輯要

卷三十五下

路電彙編

廣政類

五

報者又如此富蘊含積既若是之多外洋測探又如斯之確擬懇

皇上飭下各督撫將軍遴派熟悉礦務之員相度地脈擇要開採旣可以固邊防并可以裕餉項查光緒六年西報稱西伯利亞與中國接壤每座界石相距三百里界間有二水直注俄境而發源則在中國境內近得金礦之總脈亦在江水發源處如界線作弓背形則江水之源應歸俄國又英人卡卜登議云中俄之隔僅界一線提封迤邐而南漸入佳境五金之礦徧於地中俄苟有意并吞何必舍近求遠前出洋大臣薛福成日記稱東三省內外蒙古地方產金最多土謝圖部與俄人接壤東西數百里到處產金恰克圖迤西之切貴



河分流諸水金沙尤多俄人在切貴河挖金往往侵入華疆  
尤爲邊圉之急患況近者法人議約卽以雲南礦務爲言與  
其漫藏而資以盜糧何如先事而絕其窺伺此礦務之有益  
於邊防也又查列國歲計政要載礦稅一項計布國礦利二  
千三十萬九千六百八十大拉合銀八百九十三萬六千餘  
兩俄國金礦餘銀二兆六十九萬八百四十二磅合銀一千  
七十六萬三千餘兩比利時礦捐六十二萬八千福蘭格合  
銀十一萬九千餘兩英美兩國礦產至旺又四國日記稱俄  
人設礦學礦律以經理其事稅入之數例取什一各國徵收  
礦稅之法皆可仿行此礦務之有利於餉項也大約辦理之  
法邊塞要地可采籌洋芻議之言就近調集兵營以資開採  
約章分類輯要

卷三十五下

路礦電綫門

礦政類

六

至腹地繁區可仿照西洋公司之例集股興辦商股如不足  
以官款濟之十年之後美利無窮居今日而策富強計無便  
於此者臣備員臺諫竊見時局之難庫儲之絀不敢安於緘  
默謹臚列具陳是否有當伏乞  
聖鑒謹奏光緒二十二年 月 日

滇督崧遵

旨議奏興辦礦務設法擴充開採摺

雲貴總督崧奏光緒二十二年二月二十六日承准軍大臣  
字寄本年正月三十日奉

上諭雲南向產五金貴州出鉛素旺山西所出之鐵夙稱精  
良現雖未據覆奏均宜及時攻採以期逐漸推廣著卽將籌  
辦情形據實迅速覆奏總之開辦礦務以金銀礦務爲最先

各該省如能實力訪查確有金銀礦地設法興辦自較煤礦等項得款爲鉅等因欽此仰見

聖主深宮焦勞推廣利源之至意下懷欽悚莫可名言查雲南五金各廠承平時計有六十餘處兵燹以後除銅務一項已蒙特派唐炯督辦外其餘金銀錫鐵各廠計尙有三十處之譜或洞老山空久經停歇或從前極旺之地現在積水過深無從著手或現雖開辦而所出無多僅敷成本或官雖封禁而附近無業貧民不時私自採取種種情形不一而足當此時需款孔亟允宜收此天地自然之利以裨

國用而裕度支

奴才身受

厚恩天良具在敢不竭力圖維冀紓

約章分類輯要

卷三十五下

路礦電綫門

礦政類

七

宸廑當飭藩臬會同善後局司道妥議詳辦現擬遴委熟悉礦務之員分赴各屬先將舊有金銀各廠會同各該地方官一律查勘明確分別何處可辦何處不能辦再設法籌備官本在於礦苗最旺之處認真開採以期得款較鉅一面廣集商股加委妥員逐漸擴充辦理併將錫鐵各廠亦次第興辦緣雲南地處邊瘠兵燹後實鮮富商大賈若不先發官本商民仍多觀望必致日久無濟徒誤事機且查雲南礦務從前承平之時均係用本地工匠開採煎煉歷著成效此次亦擬不設機器廠不用外洋礦師以節糜費而杜後患務使開一分利源中國卽得一分利益惟是天財地寶半皆應運而生消長盈虛非可先機而決應懇

天恩俯准

勅部將一切例章畧爲變通並寬予限期俾奴才得以督飭承辦各員招集紳商廣爲開採斷不敢畏難苟安一奏塞責自干咎戾除俟委員查勘明確並將辦理情形詳細具奏暨咨明戶部查照外理合先行恭摺覆

奏伏乞

聖鑒再雲貴總督係奴才本任毋庸會銜合併陳明謹奏奉硃批戶部知道欽此

奏請通飭開辦礦務鼓鑄銀圓摺

御史王鵬運奏竊近日以來京師錢價日貴銀價日賤咸歸咎於私鑄之充斥銀號之把持而不知皆非也邇來東南各約章分類輯要

卷三十五下

路礦電綫門

礦政類

八

省紋銀每兩僅易制錢千二百文洋錢每圓僅換制錢八百餘文銀賤錢貴有甚於京師者蓋其間有大漏卮焉不可不亟思補救也當光緒十一年間越事初定卽有倭人串同內地奸商以銀易錢裝運出口以致各省錢價陡長銀價愈低於時乃有鼓鑄制錢之議滇南產銅日少遂不得不購買洋銅倭商購去中國制錢將其中金銀提出已敷購錢資本及購銅議起復以淨銅售諸中國本一而息三倍之天下之利孰有大於是者此皆由中國商人不通化學當閉關絕市之時尚可無虞外洩通商以來若固守成規不思變計則旁有大盜其覬覦而盤剝之也亦固其宜此次倭索償款多至二萬三千餘萬彼以一萬萬兩購錢出口可買盡中國制錢

以我之矛盾我之盾則制錢立竭銅產不多官力無可挽回  
民間不能不用其必至於潰敗決裂窮而思亂明矣各省禁  
錢出口獨未查禁輪船外洋不用中國銅錢其運錢出口何  
爲者應請

旨飭下總署通行各口稅務司嚴查充公不得絲毫徇縱此  
節流之法也然稅司習氣恆刻待華商而寬待洋商利之所  
在人所必趨雖法禁綦嚴仍將百計偷漏非籌變通之法決  
不足以支危局而開利源其策有二請爲

皇上縷悉陳之一曰鑄銀圓九州作貢三品兼權周初九府  
泉刀始專以銅錢濟用迄今民用繁而銅錢少加以洋人盤  
剝流弊已深乾隆時美洲銀礦大開皆運至中國現銀日多  
約章分類輯要

卷五十五

路礦電錢門

礦政類

九

而不自鑄銀錢以利民用此何說也況比年來中國黃金出  
口由三百萬增至二千餘萬兩如不自鑄金錢則國寶全空  
終受外人挾制應請

旨飭下戶部購買極大機器鼓鑄金銀銅三品之錢金錢輕  
重畧仿英鎊大小銀錢用鄂粵鑄成之式鑄成後頒發各省  
諭天下一體通行各省亦一律鼓鑄以資利用仍

特派大臣總理其事惟救急之法則宜先鑄銀錢明春錢價  
必大漲度購機運京建廠設局約需一年廣東鑄銀局機器  
甚大每日可鑄銀錢七萬餘圓銅錢九萬餘串應請

飭下戶部先撥銀三百萬兩專鑄大小銀錢運京備用通行  
各省籌款運粵鑄錢俟機器到京廠屋齊備卽由京局辦理

此變通之法一也二曰開礦政中國五金各礦藏地下者不可勝數徒以封禁大利不開比年西士考察及中國土人所知者如川藏之金礦銅礦江西湖南之銅礦金礦煤礦雲南兩廣之五金各礦奉吉之金礦山西河南之煤鐵礦皆以官吏貪圖省事不願開採小民本小力微無由上達藏金銀於地下而懷寶嗚飢甚無謂也應請

特諭天下凡有礦之地一律准民招商集股呈請開採地方官吏認真保護不得阻撓俟礦利既豐然後按十分取一酌抽稅課一切贏絀官不與聞如礦產微卽行裁撤認真辦理則把持壅遏諸弊一掃而空期以十年礦產全開民生自富而國用猶有不足國勢猶有不強者未之有也此變通之法約章分類輯要

卷五下

路礦電綫門

礦政類

十一

二也夫窮則變變則通通則久苟非時勢所迫人誰不欲習故安常坐享無事之福無如民窮國匱財用不足尙有日本及西洋各國虎視眈眈倒持太阿之柄不籌一救弊之法何以安我蒸黎保我疆宇惟希宸斷採納迅賜施行天下幸甚謹繕摺上陳伏乞聖鑒謹奏光緒二十二年

奏請調員開辦遼東礦務并總署議覆摺

奉天將軍奏據翰林院編修貴鐸散館分部呈改知縣繆潤紱等會銜呈稱竊維利國首在富強而富強以開採爲急務奉天礦產饒裕甲天下如岫巖寬甸懷仁通化一州三縣礦山林立五金並產貴鐸等祖居奉天曾眼同礦師詳勘得邊

外寬甸縣屬之小荒溝小湯石北吊幌子一帶山勢蟬聯十數餘里鉛苗顯露膚面皆是又勘得懷仁縣屬之涼水泉子老營溝礦洞子等處深林陡澗之中銀砂顯露苗質頗佳夾道子大東溝二處現有銀綫亦頗暢旺又勘得通化縣屬之大小廟兒溝至大小羅圈溝其間數十餘里金銀鉛鐵各礦苗質頗旺又勘得邊裏岫巖州屬之黑島斜長二十餘里橫亘十餘里鉛綫銅苗漫山徧地木耳山南尖頭一帶砗鐵並生統計各地勢均與禁山相距遙遠或三四百里至八九百里不等實與

永陵龍脈無關且係僻壤荒山與民間廬墓田園全無妨礙若得及時興辦不惟有裨奉天一省而軍餉之供度支之裕

約章分類輯要

卷三十一

路礦電綫門

礦政類

十一

可以計時而待貴鐸等前曾將銀鉛砂石逐細鑄鍊每鉛砂百觔出淨鉛十餘觔銀砂千觔傾出足色紋銀十五兩是功效既不難求而需款尙非甚鉅今擬自寬懷所屬之小湯石等八處爲始先辦銀鉛兩項暫依土法開採其餘勘定未開各礦廠應俟試辦得手逐漸擴充惟通盤核算將來買山置廠建屋修路砌蓋爐座購備柴炭延請礦師雇覓夫匠以及薪工膏火各項費用約估本銀須二十萬兩方可集事貴鐸等現已招集商本兩千股每股百兩共計銀二十萬兩整業經寄存殷實舖戶以備臨時提用請自開工之日起予限半年試辦有效隨時報聞等情並詳擬章程繪具圖說呈請具奏前來如才伏查奉天礦務自弛禁開採以來商股零星散

布並無提綱挈領之人以致辦理半年迄無成效又以銀鉛各礦工本太鉅集資非易置爲緩圖奴才曾於上年九月間奏報試辦金礦期滿未能暢旺情形欽奉

諭旨仍著督飭承辦各員招集商股多籌經費另定妥善辦法務期成效克臻將金銀煤鐵各礦逐漸推廣不得畏難苟安等因當經欽遵行知承辦各員妥議章程至今無進一善策者想見辦礦不獨集資爲難卽得人亦難今貴鐸等集資二十萬金呈請試辦銀鉛各礦俟得手後漸事擴充亦是先難後易之意所議章程各條尙覺切實不事鋪張但能經理有人或不至於虛糜工本查貴鐸才長心細堅定有爲前年軍興奉

約章分類輯要

卷三十五下

路礦電綫門

礦政類

三

旨發交奴才軍營差遣曾派充幫辦全營翼長代籌布置頗合機宜以之督理礦務斷不至一無展布有朝鮮終合無仰懇天恩准調翰林院編修貴鐸來奉督辦東邊銀鉛礦務以廣利源惟事關奏調京員且核閱所議辦法尙未詳盡謹將遞到章程二十二條繕具清單恭呈

御覽仍請

旨飭下總理各國事務王大臣核議以昭鄭重除咨呈總理衙門督辦軍務處查核並咨戶部查照外所有調員招商集資開辦奉天東邊銀鉛礦務緣由理合恭摺具奏伏乞

聖鑒謹 奏

坊總署議覆奉天調員開辦礦務摺

總理衙門奏光緒二十三年二月十五日軍機處抄交

盛京將軍依克唐阿奏調員招商開辦奉天東邊銀鉛礦務

一摺奉

硃批該衙門議奏單併發欽此

臣

等照原奏所陳詳爲核度

東邊道所屬州縣山深林密物產蕃滋鴨綠江環抱西流其東岸韓境諸山礦產爲西人所稱羨北岸氣通壤接五金之脈足資開採編修貴鐸等生長東邊邀請礦師勘驗所稱與啟運山風脈無關又有裨奉天軍餉據稱既經招集商本兩千股共銀二十萬兩如果確有把握自應如所請准令先將寬甸懷仁二縣境內金銀煤鐵各礦次第開辦以闢利源所擬章程二十二條係兼采各省礦局辦法亦尙周詳謹慎惟約章分類輯要

卷三十五下

路礦電綫門

礦政類

三

第十五條所稱稅則釐金查照奏咨專章援案辦理第二十條所稱結賬分紅各節係將來核計盈虧之本文猶簡畧應令於續議時熟籌詳列分咨部署以備稽查編修貴鐸係翰林院衙門人員應否准令前往理合請

旨遵辦如准其奏調所請刊發礦務總局關防應卽查照漠河金廠舊章由該將軍刊發以歸畫一所有遵議緣由恭摺覆陳伏候

聖鑒再此摺係由總理衙門主稿會同戶部具奏合併聲明謹奏光緒二十三年三月三十日奉

旨依議欽此

奏開磁州礦務片



北洋大臣王片直隸磁州煤礦前經御史陳其璋奏奉

諭旨飭臣揀派熟悉礦務辦事實心之員認真履勘擬定辦法據實具奏等因欽遵在案查磁州西之五十里彭城鎮在太行山麓與山西潞安府河南彰德府毘連素產煤鐵居民以土法開挖不能深取往往時興時廢其中吳家窪之煤最爲著名爲大紅炭可備鎔鍊鋼鐵及輪舟火車各項機器之用舊有煤井十二座停工年久積水甚深經臣飭委候補知縣葉溶光前往履勘擬就舊井先購機器汲水試行開採挖煤皆用人工俾本地窮民得有生計所出之煤以供本地磁窰灰窰等用銷路亦暢該處爲蘆漢鐵路必經之地將來鐵路告成即可資其煤以爲用而該處煤鐵各礦亦可逐漸約章分類輯要

卷五十五

路礦電綫門

礦政類

古

擴充目前實爲發軔之始臣復飭候補知府陳忠儼會同葉溶光將招股購器諸事認真妥籌辦理茲據酌擬章程稟請奏明試辦前來臣查直省可開之礦如臨榆撫甯平泉建昌朝陽赤峯等處皆經臣先後委派道員徐潤同知錢鏞等分投查勘次第經營而磁州煤礦尤係奉

旨飭辦之件該員等所擬辦法均尙妥協自應准其試辦除批飭認真經理外理合附片覆陳伏乞

聖鑒謹奏光緒二十三年

附錄陳守忠儼葉令溶光條陳試辦磁州礦務事宜稟

敬稟者竊卑職溶光前奉憲札以御史陳其璋條奏磁州礦

務欽奉

諭旨揀派熟悉礦務辦事實心之員認真履勘擬定辦法據實具奏等因欽此飭令卑職溶光前往磁州詳細察看酌擬辦法據實稟覆等因奉此卑職溶光遵卽馳抵磁州彭城鎮周歷履勘將大概情形會同趙前署牧稟復在案嗣回津銷差後面奉憲諭令卑職溶光招集股本購買機器前往磁州設法開辦查磁州之西五十里之彭城鎮在太行山麓與山西之潞安府河南之彰德府毘連素產煤鐵土人開採多年皆用土法不能深取以致時興時廢未能大辦因查吳家窪舊有煤井十二座係柴姓開築工成頗獲厚利嗣因訟停工至今土人談及咸謂吳家窪之煤甲於全境名爲大紅炭質堅性柔所有鎔鍊鋼鐵以及磁窑灰窑並輪船鐵路機器各約章分類輯要

卷三十五

路礦電綫門

礦政類

五

廠均能合用惟停工年久積水太深應先購汲水機器兩副將水吸盡先用人工出煤俾就地窮民得以謀生所出之煤卽儘本地磁窑灰窑等用如有餘煤俟冬令運往距煤井陸路一百四十里濱臨衛河之楚旺鎮囤積卽在該處售賣近來風氣漸開各處燒鍋多改烟煤銷路漸廣且蘆漢鐵路已奉旨開辦磁州乃必經之地火車用煤必多銷路旣旺獲利自厚誠如

諭旨所云開礦爲方今最要之圖惟開礦以集股爲第一要義股款招成開辦自易無如近來開礦獲利實鮮是以招股甚難且卑職溶光一介寒儒深恐事體重大獨力難以舉辦

因商之卑府忠儼擬會同辦理前月由省旋津面陳此意亦奉憲諭令卽會同具稟卑府等因思此係奉

旨開辦之件且奉憲諭諄諄自當勉力先爲試辦如果暢旺再當逐漸擴充彼時股東信有成效添款大辦必易爲力矣謹酌擬章程十六條恭呈鈞鑒如蒙俯賜批准擬懇

奏明立案查該礦開辦成本約共需銀五六萬兩之譜開辦之初股未集成擬求先爲酌借官本銀一萬兩定購機器再由卑府等趕卽招集股本銀五萬兩親往磁州將舊有煤井先行修理一面建蓋機器房屋俟明春汲水機器購到卽可開採一切概從節省不敢稍事鋪張總期實事求是事在必成以期無負憲台慎重商務廣開利源之至意除將未盡事約章分類輯要

卷三五下

路礦電綫門

礦政類

六

宜隨時會籌稟辦外謹將遵籌招股開辦磁州礦務並陳章程各緣由理合稟請大人查核批示祇遵實爲公便再磁州鐵礦工本太大一時無此財力擬俟到磁後詳細訪查如可試辦再當稟請示遵

### 譯錄俄國大藏大臣著論滿洲金礦情形

俄國大藏大臣屢刊東方商務財政等書頃又刊伯希的布氏譯滿洲志且添加地圖一張該書中係記述行客實驗之情形今摘錄其大要開列於下

一呼爾哈河

按是河東北流會呼瑪爾河入黑龍江在今黑龍江省愛琿城西北按據伯務地

尼公司記錄該河頗多金礦

二池察特喀河

按是河東南流會阿瑪而爾河入黑龍江今屬俄國阿穆爾省在阿瑪而爾西北此地當

阿爾古訥石勒喀兩河之北實產金最多之地又阿穆爾譯即黑龍江此一帶地方昔名多金

現在此地金礦係千八百八十三年始開其地距俄不遠初

時此地本屬寂寞無人之境及開礦之後已二三年沿河之

處忽成一大墟落現在人口約萬餘有地方官司其政事又

自行幣制其他有病院客棧戲場等惜在千八百八十六年

為中國兵馬所蹂躪之後漸形衰敝此處開礦採金之法未

甚巧捷然產於阿穆爾地方之金尚有五百伯得一伯得當

三百六十日餘此等金礦皆中國人經營其業

三大別拉雅河按是河西流會結雅河又南流會黑龍江處

即布拉克威什臣斯克城俄屬阿穆爾省會

也沿該河支流有布拉郭威什臣斯克省省之附近有一金

礦俄國有五百餘人欲開之而為中國兵丁所驅逐

約章分類輯要卷三十五路礦電綫門 礦政類 七

四寬城子地方按即奉天府寬甸縣此礦係千八百九十四年為富家

所開產金約七十二伯得

五甯古塔地方中國人禁止人民在此地方開礦故設兵丁

以守之

六綏芬河畔此河畔有三坑最大者在萬鹿溝哈都意附近

七圖門江畔此江畔亦有五金礦

八松花江畔此江畔在百三十餘年前始興礦業現時礦人

等各訂私約以從其事

九達窩給尼河未詳按今與京加年鑾驛東有支河東流入通水江然未有名此地今為與京懷仁縣屬

千八百八十九年該處地方官特准人民開礦於是礦人來

集者數千人然北京朝廷不准遂停止千八百九十五年產

金約六十伯得

十長白山此一帶山脈最多金礦行客見現開二礦或云該處金礦之利爲滿洲第一

十一遼東行客云於此地方有三金礦

湘撫陳奏請在省設局開採摺

湖南巡撫陳 奏竊維湖南山多田少物產不豐而山勢層巖奧衍多砂石之質類不宜於樹藝惟五金之礦多出其中煤鐵所在多有小民之無田可耕者每賴此以謀衣食近年洋鐵盛行利源漸涸惟煤尙可通行然純用土法開採工鉅利微未幾卽畏難中止其鑛產素盛久經封禁之區遂時有人潛往盜採獲利稍厚則羣起相爭鬪訟紛起地方牧令封約章分類輯要

卷五十五下

路礦電報門

礦政類

文

禁因之愈嚴貧民恐自塞其衣食之途常有鬪殺致斃多命而隱忍不敢舉報者重利輕生其情極爲可憫光緒二年臣寶箴卸署辰永沅靖道事回省曾備言其狀謂宜及時經理不可使天地自然之利所以養人者轉以害人前撫臣王文韶正擬試辦旋奉

命內用事遂中輟上年五月兼護督臣譚繼洵遴委通曉鑛事員弁查勘湖南諸鑛周歷衡永各府所得鉛銅煤鑛已十餘處於民田廬墓一無妨礙臣到任後適值農田歉收每縣乏食饑民多者至四五十萬口近省瀏陽醴陵兩屬私掘鑛砂者日常數千人地方官賑撫彈壓岌岌可虞由省迭派營勇分投防範因思荒政通山澤之利古稱禹湯有水旱之災

於是鑄金爲幣以救民困是開鑛之舉行之歎歲尤爲急務而近年內外臣工疏陳開鑛事宜俱蒙

聖恩俯允立見施行如開平煤鑛大冶鐵鑛尤有成效可睹誠以今日公私匱竭非廣開利源漸塞漏卮無以爲自強之本計謹查康熙五十二年大學士九卿議奏雲南等省開鑛事宜奉

上諭天地自然之利當與民共之不當以無用棄之要在地方官吏處置得宜毋致生事耳等因又乾隆三年奉

上諭兩廣總督鄂彌達議復提督張天駿鑛山開採恐滋聚眾之奏據稱銅鑛鼓鑄所需且招募附近居民聚則爲工散則耕作並無易聚難散之患地方大吏原以整頓地方豈可約章分類輯要

卷三十五下

鑛電鑛門

鑛政類

九

圖便偷安置國計於不問張天駿藉安靖之名爲卸責自全之地著交部議處等因欽此

聖訓昭垂炳如星日臣仰蒙

聖恩俾守茲土當此時局艱難度支日絀凡有可以稍裨國計民生者分應殫竭愚忱盡其力之所能及況值湘省旱災截漕備賑仰煩

聖厘鑛產爲自然之利正宜設法經理少佐賑需且行之目前既可以工代賑如漸辦有成效尤可次第推廣以爲練兵製械之資冀補庫藏之所不逮擬於省城設立鑛務總局委候補道吳錦章總理其事仿前湖北巡撫臣胡林翼創辦釐金取劉晏採用士人之法擇湘士之有志節識度不爲利疚

者量才委用南北洋及各處熟諳鑛務機器之人亦卽隨時商調以資指臂先擇鉛煤銅礪等鑛較有把握之處試行開採目前需費無多可毋庸預爲籌備應用機器如湖北鐵政等局有可借用者暫爲通融俟稍有成效再行酌議集資抽稅章程奏明請

旨總期行之以漸持之以恆先程尺寸之功徐圖擴充之效庶期杜爭競而息覬覦盡其分之所當爲而已所有擬辦湘省鑛務設局試行開採冀蘇民困而濬利源緣由理合會同兼護湖廣督臣譚繼洵恭摺具陳伏乞

聖鑒謹奏奉

硃批所奏甚善該撫宜悉心妥辦以觀厥成欽此

約章分類輯要

卷三五下

路礦電機部

礦政類

三

湘撫陳奏先辦永定等銅鉛金硝礪各鑛由總局經理  
片

又奏臣曾於正月二十八日謹將湖南省城設立鑛務總局緣由奏蒙

聖鑒自當恪遵

諭旨悉心辦理並分別先後難易次第興舉緣湘省公款奇絀無從籌撥資本遽集商股弊竇殊多不得不先其易者藉資周轉然後因事以就功由易以及難本年二月初旬經派員紳前往永定常甯二縣先辦銅鉛等鑛仍一面於甯鄉縣屬暫用土法試辦煤鑛俟開採暢旺羸有成效再當購買機器酌集商股以圖擴充容當妥定章程隨時具奏惟查各屬

出產硝磺甚多開採甚易經理得法所有餘利即可作爲鑛務成本地方官因係例禁之物非奉本省院司公文不許擅自採取然奸商小民勾通吏役私採私售勢所不免兼以各省委員及承辦官商持驗該省咨文護照每多徑往出產硝磺之處就地收買奸民藉以影射漁利遠售更難究詰不特偷漏釐稅且恐轉售匪人關繫綦重今既開辦鑛務所有硝磺等鑛自應悉由總局經理以歸畫一可否籲懇

天恩飭下江蘇安徽江西浙江廣東廣西湖北等省自後如應派委員商在湖南境內採辦硝磺悉飭赴湖南省城鑛務總局呈驗照文採買領運毋庸各赴出產地方自行收買以防流弊至各省給發價值並應完沿途釐稅仍照向章辦理約章分類輯要

卷三十五下

路礦電綫門

鑛政類

三

是否有當理合會同湖廣總督

臣

張之洞附片具陳伏乞

聖鑒又辰州金鑛亦已委員詳勘合併陳明謹奏

以上鑛政成案



